

學 生 國 學 叢 書

民 族 詞 選 註

趙 景 深 選 註

商 務 印 書 館 發 行

上海图书馆藏书




A541 212 0007 4606B

選註者 趙景深
主編者 王雲五

學生國
學叢書

民族
詞選
註

商務印書館發行



凡例



1. 近年來選民族詩者殊夥，成書問世，亦幾近二十部；惟絕無專選民族詞者。卽有之，亦僅於詩選中附及，斷簡零篇，殊不足覽吾人之望；因於課暇選此，以補缺陷。惟是個人見聞有限，遺珠之憾，在所難免，尙望明達爲補正焉。

2. 本編首選花間二首，以明豪放派詞五代早已有之，無待蘇辛始創也。

3. 宋詞以辛派詞有感而發，故所選特多，間亦附及辛派以外之詞。所選諸詞，多自宋六十名家詞、彊邨叢書、四印齋所刻詞、校輯宋金元人詞等中選出。

4. 所選元詞二家，僅以備數。

5. 明詞專選晚明部分，取其慷慨激昂，可歌可泣也，多自惜陰堂彙刻明詞中選出。

6. 清詞多自清名家詞、南社叢選中選出。前者專選詠史，如李廣、班超、木蘭、張巡、岳飛、梁紅玉、文天祥、汪元量、于謙、瞿式耜、秦良玉等；後者則選其歌吟種族之痛者。

7. 本編註釋，力求簡潔。凡人所熟知諸典，均僅書用某某事，以省篇幅。

中華民國二十八年八月

宜賓趙景深識

目錄

毛文錫

甘州遍

孫光憲

定西番

蘇軾

陽關曲

李綱

念奴嬌

喜遷鶯

水龍吟

喜遷鶯

趙鼎

鷓鴣天

點絳脣

謝克家

憶君王

蔡伸

虞美人

岳飛

滿江紅

小重山

辛棄疾

水龍吟

念奴嬌

賀新涼

洪皓

破陣子

江梅引

木蘭花慢

浣溪沙二首

賀新涼

臨江仙

八聲甘州

韓元吉

菩薩蠻

水龍吟

張元幹

好事近

賀新涼二首

陸游

石州慢

夜遊宮

水調歌頭

桃園憶故人

張孝祥

訴衷情

水調歌頭二首

謝池春

六州歌頭

陳亮

水調歌頭

念奴嬌

袁去華

清平樂

定王臺

楊炎正

水調歌頭

高登

好事近

劉仙倫

念奴嬌二首

朱敦儒

相見歡

曾覲

金人捧玉盤

劉過

六州歌頭

沁園春二首

程秘

水調歌頭

黃機

滿江紅

方岳

喜遷鶯

陳經國

沁園春四首

文及翁

賀新涼

王 櫟

西河

李好古

清平樂

劉克莊

滿江紅

沁園春二首

憶秦娥

姜 夔

揚州慢

戴復古

水調歌頭

李 演

賀新涼

文天祥

大江東去

陳德武

水龍吟

望海潮

汪元量

六州歌頭

望江南

鶯啼序

汪夢斗

摸魚兒

太學生

百字令

姚 燧

滿江紅

舒頔

水調歌頭

孫承宗

陽關引

塞垣春

水龍吟

塞翁吟

木蘭花慢

臨江仙

盧象昇

漁家傲

夏完淳

采桑子

陳子龍

唐多令

二郎神

吳易

滿江紅

張煌言

滿江紅

吳綺

滿江紅

陳維崧

明月逐人來

沁園春

董以寧

調笑令第二體

董元愷

滿江紅三首

曹貞吉

百字令

徐鉉

摸魚兒

趙懷玉

滿江紅

沁園春

貂裘換酒

楊芳燦

百字令

錢 枚

金縷曲

宋翔鳳

滿江紅

周之琦

漢宮春

馮登府

滿江紅二首

買陂塘

方履篔

琵琶仙

買陂塘

董祐誠

買陂塘

琵琶仙

姚 燮

賀新涼

王鵬運

滿江紅二首

况周頤

水調歌頭

梁啓超

水調歌頭

秋瑾

滿江紅

蔣同超

如此江山

龐樹柏

滿江紅

王鍾琪

滿江紅

李凡

滿江紅

徐自華

滿江紅

陳世宜

賀新涼

楊銓

賀新涼二首

葉玉森

鷓鴣天

民族詞選註

毛文錫

字平珪，五代南陽人。唐進士，仕蜀爲翰林學士。遷內樞密使，進文思殿大學士，拜司徒。貶茂州司馬。隨王衍降唐，復仕後唐，與歐陽炯等並以詞章供奉內庭。著有前蜀紀事、茶譜等。

甘州遍

秋風緊，平積^①雁行低，陣雲齊。蕭蕭颯颯，邊聲四起，愁聞戍角與征鼙。②青塚③北，黑山④西。沙飛聚散無定，往往路人迷。鐵衣冷，戰馬血沾蹄，破蕃奚。⑤鳳凰詔下，步步躡丹梯。⑥


①積，沙漠也。②戍角，征鼙，皆軍中樂器。

③青塚，王昭君墓也。在今綏遠歸化城南三十里。方輿

紀要：「塞草皆白，惟此獨青，故名青塚。」

④黑山，在今河北沙河縣北。

⑤奚，國名，匈奴之別種。



也。舊唐書北狄列傳云：「其國勝兵三萬餘人，分爲五部，好射獵，逐水草，無常居。」^⑥鳳凰詔，卽天子之詔也。天子詔書必自中書省發，中書省者，卽禁苑中鳳凰池所在地，故云鳳凰詔。^⑦丹墀，猶言丹墀，殿前之階也。

孫光憲

字孟文，五代貴平人。自號葆光子。唐時爲陵州判官，天成初避地江陵，高季興據荆南，署爲從事。歷事三世。後勸高繼冲歸宋，太祖授以黃州刺史。將用爲學士，未及而卒。著有荆臺筆備、橘齋諸集、北夢瑣言等。

定西番

雞祿山前遊騎，邊草白，朔天明，馬蹄輕。鵠面弓離短鞞，
○ 彎來月欲成。一隻鳴髀
○ 雲外，曉鴻驚。

○ 鞞，音暢，弓衣也。詩小戎：「虎鞞縷膺」是也。
○ 髀，虛交切。唐書地理志：「媯州土貢髀矢」是也。

蘇軾

字子瞻，宋眉山人。弱冠博通經史，爲文渾涵光芒，雄視百世。嘉祐進士。神宗時與王安石意見相左，貶黃州。哲宗時召還。累官翰林學士、兵部尙書。卒諡文忠。著有東坡全集。

陽關曲 贈張繼愿

受降城 ① 下紫髯郎，戲馬臺 ② 南舊戰場。恨君不取契丹 ③ 首，金甲牙旗歸故鄉。

① 受降城，唐時有三：中城在朔州，西城在靈州，東城在勝州。皆在黃河之外，卽今綏遠一帶。 ② 戲馬臺，在河南臨漳縣西，後趙石虎築。 ③ 契丹，東胡種，後改國號曰遼，爲金所滅。

李綱

字伯紀，宋邵武人。靖康初爲兵部侍郎。金人來侵，力主迎戰被謫。高宗卽位，首召爲相。修內治，整邊防，講軍政，力圖恢復。黃潛善等沮之，七十餘日而罷。卒諡忠武。其詞有四印齋所刻之梁溪詞。

念奴嬌 漢武巡朔方①

茂陵②仙客，算眞是天與雄才宏略。獵取天驕馳衛霍，③如使鷹鷂驅雀。鏖戰皋蘭，④犁庭龍碛，⑤飲至行勛爵。中華彊盛，坐令夷狄衰弱。追想當日巡行，勒兵十萬騎，橫臨邊朔。親總貔貅，看黠虜心驚膽落。寄語單于，兩君相見，何苦逃沙漠？英風如在，卓然千古高著。

①漢武帝逐匈奴收河南地，立朔方郡，卽今內蒙古鄂爾多斯也。②茂陵，漢武帝陵，因置爲縣。在

今陝西興平縣東北。

③卽衛青、霍去病。

④在甘肅。霍去病曾去隴西至臯蘭。

⑤卽白龍堆沙

漠也，在西北塞外。

喜遷鶯 晉師勝淝上

長江千里限南北，雪浪雲濤無際。天險難踰，人謀克壯，索虜豈能吞噬？阿堅○百萬南牧，倏忽長驅吾地。破強敵在謝公○處畫，從容頤指。奇偉，淝水上八千戈甲，結陣當蛇豕。鞭弭周旋，旌旗麾動，坐卻北軍風靡。夜聞數聲鳴鶴，盡道王師將至；○延晉祚，庇烝民，周雅何曾專美？

○即秦王苻堅。

○謝公指謝安。

○通鑑：「其走者，聞風聲鶴唳，皆以爲晉兵且至。」

水龍吟 太宗臨渭上○

古來夷狄難馴，射飛擇肉，天驕子。唐家建國，北邊雄盛，無如頡利，萬馬崩騰，皂旗氈帳，遠臨清渭，向郊原馳突。憑陵倉卒，知戰守難爲計。須信君王神武，覘虜營只從七騎。長弓大箭，據鞍詰問，單于非義。戈甲鮮明，旗麾光彩，六軍隨至。悵敵情震駭，魚循鼠伏，請堅盟誓。

○唐書太宗本紀：「癸未，突厥頡利至於渭水便橋之北，遣其酋帥執失思力入朝爲覘，自張形勢。」

太宗命囚之，親出玄武門，馳六騎幸渭水上，與頡利隔津而語，責以負約。俄而衆軍繼至。頡利見軍容既盛，又知思力就拘，由是大懼，遂請和。詔許焉。」

喜遷鶯 眞宗幸澶淵

邊城寒早，恣驕虜遠牧，甘泉豐草。鐵馬嘶風，氈裘淩雪，坐使一方雲擾。廟堂折衝無策，欲幸坤維。江表叱羣議，賴寇公力挽，親行天討。縹緲，鑾輅動霓旌，龍旆遙指澶淵道。日照金戈，雲隨黃繖，徑渡大河清曉。六軍萬姓呼舞，箭發狄酋難保。虜情讐誓書來，從此年年修好。

①在河北濮陽縣西南，古澶水經之，故名。宋眞宗與遼人盟於此地。

②淮南子：「坤維在西南。」

③即寇準。

趙鼎

字元鎮，號得全居士，宋解州聞喜人。徽宗崇寧五年進士。紹興初累官簽書樞密院事，拜尚書右僕射，同中書門下平章事，安置潮州，移吉陽軍卒。孝宗朝賜諡忠簡。有忠正德文集。其詞集有四印齋。所刻詞本得全居士詞一卷。

鷓鴣天 建康上元作

客路那知歲序移，忽驚春到小桃枝。天涯海角悲涼地，記得當年全盛時。花弄影，月流輝，水精宮殿五雲飛。分明一覺華胥夢，回首東風淚滿衣。

○五雲，謂五色之雲。○黃帝晝寢而夢遊於華胥氏之國。其國無帥長，其民無嗜欲，不知親己，不知疎物，故無愛憎；不知背逆，不知向順，故無利害。見列子。

點絳脣

香冷金猊，夢回鴛帳餘香嫩；更無人問，一枕江南恨。消瘦休文，頓覺春衫襯。

清明近，杏花吹盡。薄暮東風緊。

① 休文，南北朝梁沈約字，著有回聲譜、沈隱侯集等。

謝克家

字任伯，宋徽宗時官參政。

憶君王[⊖]

依依宮柳傍宮牆，樓殿無人春晝長，燕子飛來依舊忙。憶君王，月照黃昏人斷腸！

⊖徽宗北行時作此。鼠璞：「語意悲涼，讀之使人墮淚，真憂君憂國之語。」按北盟會編淵聖幸北地不返，謝元及作此詞，不知元及是否亦克家之字也。俟考。

蔡伸

字仲道，宋莆田人，宣和中，官彭城倅，歷左中大夫。有友古詞，見宋六十名家詞。

虞美人

綵旗搖曳檣烏轉，鷄首。征帆展。高城樓觀暮雲平，疊鼓凝笳都作斷腸聲。
窗朱戶空回首，明月還依舊。亂山無數水茫茫，誰念塞垣風物噉。悽惶！

綠

○謂舟也。船頭畫鷁，故稱鷁首。○猶云多末也。

岳飛

字鵬舉，宋湯陰人。紹興初，隸宗澤部下，屢平盜寇。高宗手書「精忠岳飛」四字賜之。官河南北路招討使，授少保。朱仙鎮大破金兵，指日渡河，秦檜當國，主和議，矯詔召還，下獄死，年三十九。有岳忠武王全集。

滿江紅

怒髮衝冠，凭欄處，瀟瀟雨歇。擡望眼，仰天長嘯，壯懷激烈。三十功名塵與土，八千里路雲和月。莫等閒，白了少年頭，空悲切。
靖康○恥，猶未雪；臣子恨，何時滅？駕長車，踏破賀蘭山○缺！壯志飢餐胡虜肉，笑談渴飲匈奴血。待從頭收拾舊山河，朝天闕。

○靖康，宋欽宗年號。徽欽二帝，於是年被金人虜去。○賀蘭山在今甘肅寧夏縣城西，時爲金地。

小重山

昨夜寒蛩不住鳴，驚回千里夢，已三更。起來獨自遶階行。人悄悄，簾外月朧明。
白首爲功名。舊山松竹老，阻歸程。欲將心事付瑤琴；知音少，絲斷有誰聽？○

○陳郁藏一話腴謂此詞末三句「蓋指和議之非。」龍榆生云：「其風格與稼軒破陣子相近，並英雄失志者之不平鳴也。」

辛棄疾

字幼安，號稼軒，宋濟南歷城人。耿京聚兵山東，節制忠義軍馬，留掌書記。紹興三十二年，令奉表南歸。高宗召見，授承務郎。寧宗朝，屢官浙東安撫使，加龍圖閣待制，進樞密都承旨。卒。德祐初，以謝枋得請，贈少師，諡忠敏。有稼軒長短句十二卷。

水龍吟 壽韓南澗 ① 尙書

渡江天馬南來，幾人真是經綸手？長安父老，新亭 ② 風景，可憐依舊！夷甫 ③ 諸人，神州陸沈，幾曾回首？算平戎萬里，功名本是真儒事，公知否？况有文章山斗，^④對桐蔭滿庭清晝。當年墮地，而今試看，風雲奔走。綠野風煙，平原草木，東山歌酒。待他年整頓乾坤事了，爲先生壽。

① 韓南澗，名元吉，字无咎，維曾孫，宋開封人，徙居上饒。先生家居時，相與唱和最多。此爲稼軒贈韓詞最初之一首。② 東晉諸名士，於新亭飲宴。周顛嘆曰：『風景不殊，舉目有山河之異。』皆相視

流涕。惟王導愀然變色曰：『當共戮力王室，克復神州，何至作楚囚相對！』見晉書王導傳。③夷甫，晉王衍字，終日清談，不問國事。④意云泰山北斗，示景仰之意。

賀新涼 贈金華杜仲高

細把君詩說，恍餘鈞天浩蕩，洞庭膠葛。①千丈陰崖塵不到，惟有層冰積雪，乍一見寒生毛髮。自昔佳人多薄命，對古來一片傷心月。金屋冷，夜調瑟。去天尺五。君家別，看乘空魚龍慘淡，風雲開合。起望衣冠神州路，白日銷殘戰骨。歎夷甫清絕！夜半狂歌悲風起，聽錚錚陣馬簷間鐵。南共北，正分裂！

①膠葛，上清之氣也。②去天尺五，言其近帝廷也。唐城南杜曲爲望族。

破陣子 爲陳同甫賦壯詞以寄之

醉裏挑燈看劍，夢回吹角連營。八百里分麾下炙，五十絃翻塞外聲。沙場秋點兵。馬作的盧①飛快，弓如霹靂弦驚。了却君王天下事，贏得生前身後名。可憐白髮生！

○的盧，凶馬名，白額，一名榆樅。

木蘭花慢 席上送張仲固帥興元○

漢中開漢業，問此地，是耶非？想劍指三秦，君王得意，一戰東歸。興亡事，今不見，但山川滿目淚沾衣。落日胡塵未斷，西風塞馬空肥。一篇書是帝王師，小試去征西。更草草離筵，匆匆去路，愁滿旌旗。君思我，回首處，正江涵秋影雁初飛。安得車輪四角，不堪帶減腰圍。

○淳熙七年，庚子，有西羌五部之變，及沈黎西兵之變，興元乃兵防重鎮。是年三月變起，五月川軍大敗，故詞云：「草草離筵，匆匆去路。」蓋國家正新敗之餘也。

賀新涼 同甫見和再用韻答之

老大那堪說！而今元龍○臭味，孟公○瓜葛。我病君來高歌飲，驚散樓頭飛雪，笑富貴千鈞如髮。硬語盤空誰來聽？記當時只有西窗月。重進酒，換鳴瑟。事無兩樣人心別，問渠儂，神州畢竟幾番離合？汗血鹽車○無人顧，千里空收駿骨。○

正目斷關河路絕。我最憐君中宵舞。⑤道男兒到此心如鐵。看試手，補天裂。

○元龍，三國魏陳登字，下邳人，爲人深沈有大略。許汜謂元湖海士，豪氣未除。漢末爲廣陵太守，以誅呂布功，拜伏波將軍。⑥孟公卽漢陳遵，杜陵人。哀帝末，以功封奮威侯。性好客，每會飲，取客車

轄投井中，雖有急不得去。

⑦汗血鹽車，語見國策，意謂賢才屈於賤役也。

⑧燕昭王時，郭隗千

金收駿骨葬之，期年駿馬至者三。

⑨祖逖與劉琨共被同寢，中夜聞荒雞鳴，蹴琨覺曰：「此非惡

聲也！」因起舞。見晉書。

八聲甘州 用李廣事贈寄楊民瞻

故將軍飲罷，夜歸來，長亭解雕鞍。恨霸陵醉尉，匆匆未識，桃李無言。○射虎山橫一騎，裂石響驚弦。○落魄封侯事，歲晚田園。誰向桑麻杜曲，要短衣匹馬，移住南山。看風流慷慨，談笑過殘年。漢開邊，功名萬里，甚當時健者也曾寒。紗窗外，斜風細雨，一陣輕寒。

○史記李將軍列傳：「廣家與故潁陰侯孫屏野居藍田南山中射獵。嘗夜從一騎出，從人田間飲，

還至霸陵亭。霸陵尉醉，呵止廣。廣騎曰：「故李將軍。」尉曰：「今將軍尚不得夜行，況乃故也！」止廣宿亭下。」
①同上：「廣出獵，見草中石，以爲虎而射之。中石沒鏃，視之，石也。因復更射之，終不能復入石矣。」

菩薩蠻

鬱孤山下清江水，中間多少行人淚。西北望長安，
①可憐無數山。青山遮不住，
畢竟東流去。江晚正愁予，深山聞鷓鴣。

①長安卽喻汴京也。

張元幹

字仲宗，宋長樂人，向伯恭之甥，豪爽有氣節，紹興中坐送胡邦衡詞得罪除名，有蘆川歸來集。其詞集名蘆川詞，有宋六十名家詞本，又有雙照樓景刊宋元明本詞本。

賀新涼 送胡邦衡待制赴新州

夢繞神州路，悵秋風連營畫角，故宮離黍。底事崑崙傾砥柱，九地黃流亂注，聚萬落千村狐兔。天意從來高難問，况人情老易悲難訴。更南浦，送君去。涼生岸柳催殘暑，耿斜河疏星淡月，斷雲微度。萬里江山知何處。回首對牀夜語，雁不到書成誰與。目盡青天懷今古，肯兒曹恩怨相爾汝。舉大白，聽金縷。

○百琲明珠：「張元幹以送胡銓及寄李綱詞坐罪，皆金縷曲也。元幹以此得名。」揮塵後錄：「仲宗掛冠後數年，秦始聞此詞，以他事追付大理削籍焉。」○九地，深藏也。孫子九地篇：「善守者藏於九地之下。」○黃流，謂酒也。詩：「瑟彼玉瓚，黃流在中。」

賀新涼 寄李伯紀丞相

曳杖危樓去，斗垂天滄波萬頃，月流煙渚。掃盡浮雲風不定，未放扁舟夜渡。宿雁落寒蘆深處。悵望關河空弔影，正人間鼻息鳴鼉鼓。○誰伴我，醉中舞？十年一夢揚州路，倚高寒愁生故國，氣吞驕虜。要斬樓蘭○三尺劍，遺恨琵琶舊語。漫暗澀銅華塵土。喚取謫仙平章看，過茗溪尙許垂綸否？風浩蕩，欲飛舉。

○鼉鼓，鼉皮所冒之鼓也。詩：「鼉鼓逢逢。」

○漢西域國名，後更名鄯善，今沒於沙漠。新疆婁羌

縣有羅布舊城，爲沙所掩，卽其地。按此處喻金國。

石州慢 己酉秋吳興舟中

雨急雲飛，瞥然驚散，暮天涼月。誰家疏柳低迷？幾點流螢明滅？夜帆風駛，滿湖煙水蒼茫，菰蒲零亂秋聲咽。夢斷酒醒時，倚危檣清絕。心折！長庚光怒，羣盜縱橫，逆胡猖獗。欲挽天河，一洗中原膏血。兩宮何處？塞垣祇隔長江，唾壺空擊悲歌缺。萬里想龍沙，○泣孤臣吳越。

○龍沙，卽白龍堆及沙漠，均在西北塞外，見後漢書班超傳贊注。實爲兩地，詩家多誤爲一地。泛用

爲塞外通稱。

水調歌頭 送呂居仁○召赴行在所

戎虜亂中夏，星歷一周天。干戈未定，悲咤河洛尙腥羶。萬里兩宮無路，政仰君王神武，願數中興年。吾道尊洙泗，何暇議伊川。○呂公子，三世相，在淩煙。詩名獨步，焉用兒輩更毛箋？好去承明讜論，照映金猊帶穩，恩與荔枝偏。回首東山路，池閣醉雙蓮。

○呂居仁，名本中，初與秦檜同爲郎，因與趙鼎善，爲秦檜所劾。○卽程頤。

張孝祥

字安國，蜀簡州人。後卜居歷陽，遂誤爲歷陽人。紹興二十四年廷試第一。孝宗朝累遷中書舍人，直學士，領建康留守。尋以荆南湖北路安撫使請祠，進顯謨閣直學士致仕卒。所著于湖集詞一卷，有汲古閣、雙照樓、涉園諸刊本。

水調歌頭 凱歌寄湖南安撫劉舍人

猩鬼嘯篁竹，玉帳夜分弓。少年荆楚劍客，突騎錦襜紅。千里風飛雷厲，四校星流彗掃，蕭斧。挫春蔥。談笑青油幕，日奏捷書同。詩書帥，黃閣老，黑頭公。家傳鴻寶祕略，小試不言功。聞道璽書頻下，看卽沙堤歸去，帷幄且從容。君王自神武，一舉朔庭空。

○蕭斧，剛利之斧也。桓譚新論：「以強秦之勢伐弱燕，譬猶摩蕭斧以伐朝菌也。」○漢舊儀：

「丞相聽事門曰黃閣，不敢洞開朱門，以別於人主，故以黃塗之。」○晉書諸葛恢傳：「王導嘗

謂曰：明府當爲黑頭公。」謂當以壯年拜三公也。魏書臨淮王彧傳：「崔光見彧，退而謂人曰：黑頭

「三公當此人也。」

水調歌頭 聞采石戰勝

雪洗虜塵靜，風約楚雲留。何人爲寫悲壯，吹角古城樓。湖海平生豪氣，關塞如今風景，翦燭看吳鉤。賸喜燃犀處，駭浪與天浮。憶當年，周○與謝，○富春秋。小喬初嫁，香囊猶在，功業故優游。赤岸磯頭落照，淝水橋邊衰草，渺渺喚人愁。我欲乘風去，擊楫誓中流。

○虞允文，宋仁壽人，字彬父，紹興進士。累官中書舍人直學士。金人入寇，允文督師江淮，有采石之捷。劉錡執其手曰：「朝廷養兵三十年，今日大功乃出儒者！」孝宗時拜相，封雍國公。卒諡忠肅。

○以周瑜赤壁之勝美虞。

○復以謝玄、謝安淝水之捷喻允文。

六州歌頭

長淮望斷，關塞莽然平。征塵暗，霜風勁，悄邊聲。黯銷凝。追想當年事，殆天數，非人力。洙泗上，絃歌地，亦殫腥。隔水氈鄉，落日牛羊下，區脫○縱橫。看名王宵獵，騎火

一川明。笳鼓悲鳴，遣人驚。念腰間箭，匣中劍，空埃蠹，竟何成！時易失，心徒壯，歲將零，渺神京。干羽^①方懷遠，靜烽燧，且休兵。冠蓋使，紛馳騫，若爲情！聞道中原遺老，常南望翠葆霓旌。使行人到此，忠憤氣填膺，有淚如傾。

①朝野遺記：「安國在建康留守席上賦此歌闋，魏公爲罷席而入。」演繁露：「六州歌頭，本鼓吹

曲也。近世好事者倚其聲爲弔古詞，音調悲壯。又以古興亡事實文之。聞其歌使人慷慨，良不與豔

詞同科，誠可喜也。」詞苑叢談：「六州，蓋唐人西邊之伊州、梁州、石州、甘州、渭州、氏州也。」②漢

書注：「區脫，土室，胡兒所作以候漢者也。」③匈奴傳：東胡與匈奴間，有棄地千餘里，各居其邊爲

區脫。」④干盾及羽翟，皆所以供樂舞之用者。書：「舞干羽於兩階。」

念奴嬌 仲欽提刑仲冬行邊漫呈小詞以備鼓吹之闕

弓刀陌上，過蠻煙瘴雨，朔雲邊雪。幕府橫驅三萬里，一把平安遙接。方丈三韓，①西山八詔，②慕義羞椎結。③梯航④入貢，路經頭痛身熱。今代文武通人，青霄不上，欲把南州節。虜馬秋肥雕力健，應看名王宵獵。壯士長歌，故人一笑，趁得梅

花月王春奏記，便須平步清切。

①漢時朝鮮南部，有馬韓、辰韓、弁韓，是爲三韓。

②夷語謂王爲詔。見唐書南蠻傳。

③漢書陸賈

傳注：「椎髻者，一撮之髻，其形如椎。」

④合狐楚文：「百蠻梯航以內面，」言梯山航海而來也。

洪皓

字光弼，宋鄱陽人。政和五年進士。建炎三年假禮部尚書使金，不屈，被留十五年始還。除徽猷閣直學士。尋謫英州，徙袁州，卒復官。諡忠宣。有鄱陽詞一卷，刊於彊邨叢書中。

江梅引（四首錄一） 憶江梅

頃留金國四經除館十有四年，復館於燕。歲在壬戌，甫臨長至，張總侍御邀飲，衆賓皆退，獨留少款。侍婢歌江梅引，有「念此情，家萬里」^①之句。僕曰：此詞殆爲我作也。又聞本朝使命將至，感慨久之。既歸，不寢，追和聊以自寬。

天涯除館憶江梅，幾枝開。使南來，還帶餘杭春信到燕臺。準擬寒英聊慰遠，隔山水，應銷落，赴愬誰？空恁遐想笑^②。摘蕊，斷回腸，思故里，漫彈綠綺，^③引三弄不覺魂飛。更聽胡笳，哀怨淚沾衣。亂插繁花須異日，待孤諷，怕東風，一夜吹。

①「念此情，家萬里」乃王觀通叟詞句，見花草粹編。②此詞每首有一笑字，北人謂之四笑江

梅引，爭傳寫焉。

③綠綺，琴名。傅玄文：「楚王有琴曰繞梁，司馬相如有綠綺，蔡邕有焦尾，皆名器

也。」張載詩：「佳人遺我綠綺琴。」

浣溪沙 排悶

喪亂佳辰不易攀，四逢寒食盡投閒，踏青無處想家山。
麟殿阻趨陪內宴，萱堂

遙憶侍慈顏，感時雙淚滴潺湲。

○母曰萱堂，萱亦作諼。詩：「焉得諼草，言樹之背。」按，背，北堂也，卽母之所在也。

浣溪沙 聞王侍郎復命

南北渝盟久未和，斯民塗炭○死亡多，不知何日戢干戈。
賴有興王如世祖，况

聞謀帥得廉頗，藺卿全璧我跼蹉。

○書：「有夏昏德，民墜塗炭。」言民之困苦，如在泥塗炭火之中也。

臨江仙 懷歸

冷落天涯今一紀，誰憐萬里無家？三閩惟悴賦懷沙。○思親增悵望，弔影覺欹斜。

兀坐書堂眞可怪，銷憂殫酒難賒。因人成事恥矜誇。何時還使節？蹋雪看梅花。

⊖ 用屈原事。

韓元吉

字無咎，號南礪，宋許昌人，維四世孫。寓居信州，隆興間官吏部尚書。詞集名南礪詩餘，有彊邨叢書。本絕妙好詞箋：「南礪，呂東萊之外舅也。有焦尾詞一卷。」

水龍吟 壽辛侍郎

南風五月江波，使君莫袖平戎手。燕然未勒，渡瀟聲在，宸衷懷舊。臥占湖山，樓橫百尺，詩成千首。正菖蒲葉老，芙蓉香嫩，高門瑞人知否？涼夜光躔，牛斗。夢初回長庚如畫。明年看取，蠶旗南下，六贏西走。功畫凌煙，萬釘寶帶，百壺清酒。便留公賸馥蟠桃，分我作歸來壽。

○躔，星次也，踐也。○贏，盧戈切。說文：「驢父馬母。」前漢書霍去病傳：「單于遂乘六贏壯騎數百，直潰漢圍。」

好事近 汴京賜宴

凝碧池頭，一聽管絃淒切。多少梨園聲在，總不堪華髮。杏花無計避春愁，也

傍野花發。惟有御溝聲斷，似知人嗚咽。

○金史交聘表云：「大定十三年三月癸巳朔，宋遣試禮部尙書韓元吉、利州觀察使鄭興裔等賀萬春節。」絕妙好詞箋：「宋孝宗乾道九年爲金世宗大定十三年，南礪汴京賜宴之詞，當是此時作。」
○用王維及雷海青事。王維詩云：「凝碧池頭奏管絃。」按，凝碧池在河南洛陽禁苑中。

陸游

字務觀，宋越州山陰人，佃之孫，宰之子，以蔭補登仕郎。隆興初，賜進士出身。范成大帥蜀，爲參議官。累知嚴州。嘉泰初，詔同修國史，兼祕書監，陞寶謨閣待制，致仕卒。有渭南集。其詞有汲古閣及雙照樓本。

夜遊宮 記夢寄師伯渾

雪曉清笳亂起，夢遊處不知何地。鐵騎無聲望似水，想關河、雁門西，青海際。
睡覺寒燈裏，漏聲斷，月斜窗紙。自許封侯在萬里，有誰知？鬢雖殘，心未死。

○關名，在山西代縣西北雁門山之絕頂。山海經：「雁門，飛雁出其間。」

桃園憶故人

中原當日山川震，關輔回頭煨燼。淚盡兩河征鎮，日望中興運。秋風霜滿青青鬢，老却新豐。○英俊雲外華山千仞，○依舊無人問。

○故城在今陝西臨潼縣東北。○古以周尺八尺爲仞，合營造尺六尺四寸八分。

訴衷情

當年萬里覓封侯，匹馬戍梁州。關河夢斷何處，塵暗舊貂裘。胡未滅，鬢先秋，淚空流。此生誰料，心在天山，身老滄洲。

○梁州，古九州之一，今陝西之漢中及四川省是。

○滄洲，猶言水濱，謂隱者所居也。陸雲文，「滄

洲遁跡，箕山辭位。」

謝池春

壯歲從戎，曾是氣吞殘虜。陣雲高，狼煙○夜舉。朱顏青鬢，擁雕戈西戍。笑儒冠，自來多誤。功名夢斷，卻泛扁舟吳楚。漫悲歌，傷懷弔古。煙波無際，望秦關何處。歎流年，又成虛度。

○西陽雜俎：「邊亭烽火用狼糞，以其煙直上，風吹不斜也。」

陳亮

字同甫，宋婺州永康人。好談天下大略，以氣節自居。嘗自稱「堂堂之陣，正正之旗，開拓萬古之心胸，推倒一世之豪傑。」與稼軒交，尤稱莫逆。嘗自東陽訪稼軒於上饒，留連旬日。既別，稼軒意中殊戀戀，欲追爲雪阻，頗恨挽留之不遂。所作詞無一妖媚語。其龍川詞有汲古閣及四印齋本。

水調歌頭 送章德茂大卿使虜

不見南師久，漫說北羣空。當場隻手，畢竟還我萬夫雄。自笑堂堂漢使，得似洋洋河水，依舊只流東。且復穹廬拜，會向藁街○逢。堯之都，舜之壤，禹之封。于中應有一個半個恥臣戎。萬里腥羶如許，千古英靈安在，磅礴幾時通？胡運何須問，赫日自當中。

○前漢書陳湯傳：「斬邽支及名王以下，縣頭藁街。」

念奴嬌 登多景樓

危樓還望，歎此意今古幾人曾會！鬼設神施，渾認作天限南疆北界。一水橫陳，連

崗三面，做出爭雄勢。六朝何事，只成門戶私計？因笑王謝諸人，登高懷遠，也學英雄涕。憑却江山管不到，河洛腥羶無際。正好長驅，不須反顧，尋取中流誓。○小兒破賊，○勢成寧問疆對？

○用晉祖逖中流擊楫事。

○通鑑：

「謝安得驛報，知秦兵已敗。時方與客圍棋，攝書置架上，了無

喜色，圍棋如故，客問之，徐曰：小兒輩遂已破賊。既罷，還內，過戶限，不覺屐齒之折。」

袁去華

字宣卿，江西奉新人，紹興乙丑進士，改官知石首縣卒。著有適齋類藁八卷。其宣卿詞一卷，有四印齋宋元三十一家詞本。

清平樂 送劉帥

重湖草木威名熟，兒童猶唱平柳。曲宴寢靜悄悄，恩波湘水深。舉頭天尺五，穩步煙霄去。三柱黑頭公，朔庭談笑空。

①今屬湖南省。

定王臺

雄跨洞庭野，楚望古湘州。何王臺殿，危基百尺自西劉。尙想霓旌千騎，依約入雲歌吹，屈指幾經秋。歎息繁華地，興廢兩悠悠。登臨處，喬木老，大江流。書生報國無地，空白九分頭。一夜寒生關塞，萬里雲埋陵闕，耿耿恨難休。徒倚霜風裏，落日伴人愁。

⊖按此詞爲張安國所激賞。

楊炎正

號止濟翁，宋廬陵人。其詞集名西樵語業，有宋六十名家詞本。

水調歌頭 登多景樓①

寒眼亂空闊，客意不勝秋。強呼斗酒發興，特上最高樓。舒卷江山圖畫，應答魚龍悲嘯，不暇顧詩愁。風露巧欺客，分冷入衣裘。忽醒然，成感慨，望神州。可憐報國無路，空白一分頭。都把平生意氣，只做如今憔悴，歲晚若爲謀。此意仗江月，分付與沙鷗。

①多景樓，在今江蘇北固山甘露寺內。北面臨江，頗據形勢。始建於宋郡守陳天麟，卽唐臨江亭故址，見清一統志。

高登

字彥先，宋漳浦人，以忤秦檜被謫，有東溪詞一卷，見四印齋宋元三十一家詞本。

好事近

富貴本無心，何事故鄉輕別？空惹猿驚鶴怨，誤松蘿風月。囊錐剛強出頭來，不道甚時節。欲命巾車歸去，恐豺狼當轍！

①王鵬運云：「宋名臣言行錄：胡銓貶新州，偶爲詞云云。張棣卽迎檜意，奏銓怨望，於是送南海編管，流落幾二十年。彥先亦以發策忤檜被謫，事覺略同，棣遂牽合爲澹庵作。從來讒慝之口，含沙射影，伎倆大率類此，可歎亦可笑也。」

②胡銓澹庵長短句作「使」。③胡本作「薜」。④胡本作「要」。⑤胡本作「駕」。⑥胡本作「有」。

劉仙倫

仙倫一名儼，字叔儼，號括山，宋廬陵人。有括山小集，已佚；現有趙萬里校輯宋金元詞本。

念奴嬌 送張明之赴京西幕

餘艗○東下，望西江萬里，蒼茫煙水。試問襄州何處是？雉堞連雲天際。叔子○殘碑，臥龍陳跡，遺恨斜陽裏。後來人物，如君瓌偉能幾！其肯爲我來耶？河陽○下士，正自強人意。勿謂時平無事也，便以言兵爲諱。眼底山河，樓頭鼓角，都是英雄淚。功名機會，要須閒暇先備。

○餘艗，舟名。抱朴子：「餘艗鷁首，涉川之良器也。」本作餘皇。左傳：「獲其乘舟餘皇。」○羊祜

字叔子，晉南城人。晉武時鎮襄陽，綏遠懷近，甚得江漢之心。○今河南孟縣有河陽故城。

念奴嬌 感懷呈洪守

吳山青處，恨長安路斷，黃塵如霧。荆楚西來行塹遠，北過淮堧○嚴扈。九塞貔貅，三關虎豹，空作陪京固。天高難叫，若爲得訴忠語。追念江左英雄，中興事業，枉

被姦臣誤。不見翠華移蹕處，枉負吾皇神武。擊楫憑誰，問籌無計，何日寬憂顧！倚
筇長嘆，滿懷清淚如雨！

○塹，如員切，又上聲，與塹同，河邊地也。

朱敦儒

字希真，宋洛陽人。以薦起，紹興五年賜進士出身。官至兩浙東路提點刑獄，上疏乞歸，居嘉禾。晚除鴻臚少卿。有巖壑老人詩文、獵較集等。其詞集有樵歌、彊邨本、四印齋本及章衣萍校點本。

相見歡

東風吹盡江梅，橘花開，舊日吳王宮殿鎖蒼苔。今古事，英雄淚，老相催。長恨夕陽西去，晚潮回。

金陵城上西樓，倚清秋。萬里夕陽垂地，大江流。中原亂，簪纓散，幾時收。試倩悲風，吹淚過揚州。

○簪，首笄，連冠於髮者也。○纓，冠系也，所以結冠之組。孟子：「清斯濯纓。」

曾覲

字純甫，號海野老農，宋汴人。紹興中以寄班祇候與龍大淵同爲建王內知客。孝宗受禪，以潛邸舊人，除權知閣門事。淳熙中除開府儀同三司加少保醴泉觀使。其海野詞有宋六十名家詞本。

金人捧玉盤 庚寅春奉使過京師感懷作

記神京，繁華地，舊遊蹤。正御溝春水溶溶。平康巷陌，繡鞍金勒躍青驄；解衣沽酒，醉管絃，柳綠桃紅。到如今，餘霜鬢，嗟往事，夢魂中。但寒烟衰草飛蓬。雕闌玉砌，空餘三十六離宮。塞笳驚起，暮天雁，寂寞東風。

○李後主詞：「雕闌玉砌應猶在，只是朱顏改。」

劉過

字改之，號龍洲道人，吉州太和人（一云襄陽人）。嘗伏闕上書，請光宗過宮，復以書抵時宰，陳恢復方略，不報。散浪湖海間。詞集名龍洲詞，有宋六十名家詞本。

六州歌頭

弔武穆鄂王忠烈廟

中興諸將，誰是萬人英？身草莽，人雖死，氣填膺，尚如生。年少起河北，劍三尺，弓兩石，定襄漢，開統，洛，洗洞庭。北望帝京，狡兔依然在，良犬先烹。過舊時營壘，荆鄂有遺民，憶故將軍，淚如傾。說當年事，知恨苦，不奉詔，僞耶真？臣有罪，陛下聖，可鑒臨，一片心。萬古分茅土，終不到，舊姦臣。人世猶，白日照，忽開明。克佩冕圭百拜，九原下，榮感君恩。看年年三月，滿地野花春，鹵簿迎神。

①統，在今河南、山西、陝西等處。

沁園春

張路分秋闕作

萬馬不嘶，一聲寒角，令行柳營。見秋原如掌，槍刀突出，星馳鐵騎，陣勢縱橫；人在

油幢，○我韜總制，羽扇從容裘帶輕。君知否？是山西將種，曾繫詩名。龍蛇紙上飛騰。看落筆四簷風雨驚。便塵沙出塞，封侯萬里，印金如斗，未愜平生！拂拭腰間，吹毛劍在，不斬樓蘭心不平。歸來晚，聽隨車鼓吹，也帶邊聲。

○幢，車轆，施之車蓋，以隱蔽形容者也。

沁園春 與郭杲

玉帶猩○袍，遙望翠華，馬去猶龍。擁千官鱗集，貂蟬爭出，貅貔不斷，萬騎雲從。細柳○營開，團花袍窄，人指汾陽郭令公。○山西將算韜鈴○有種，五世元戎。○
旌旗蔽滿寒空。魚陣整，從容虎帳中。想刀明似雪，縱橫脫鞘，箭飛如雨，霹靂鳴弓。威撼邊城，氣吞胡虜，慘淡塵沙吹北風。中興事，看君王神武，駕馭英雄。

○猩猩有赤色者，此以喻赤袍也。

○漢周亞夫守細柳，文帝往勞軍，霸上棘門皆直馳而過，獨亞

夫以軍禮見。

○令公，乃中書令之尊稱。

○鈴，音箱，鈴記，印信之一種也。

○元戎，元帥也。

程 秘

字懷古，宋休寧人，紹熙四年進士，知福州，兼福建安撫使，封新安郡侯。有洛水詞一卷，見宋六十名家詞。

水調歌頭 登甘露寺多景樓望淮有感

天地本無際，南北竟誰分？樓前多景，中原一恨杳難論。卻似長江萬里，忽有孤山兩點，點破水晶盆。爲借鞭霆力，驅去附崑崙。望淮陰，兵冶處，儼然存。看來天意，止欠士雅。與劉琨。三拊當時頑石，喚醒隆中一老，細與酌芳尊。孟夏正須雨，一洗北塵昏。

○晉祖逖字士雅。

○頑石，卽俗傳劉備與孫權之試劍石。

○指三國蜀諸葛亮。

黃機

字幾仲，一字幾叔，宋東陽人，有竹齋詩餘一卷，見宋六十名家詞。

滿江紅

萬竈○貔貅，便直欲掃清關洛。長淮路，夜亭警燧，曉營吹角。綠鬢將軍思下馬，黃頭奴子驚聞鶴。想中原父老已心知，今非昨。狂鯢翦於菟○縛，單于命，春冰薄。政人人自勇，翹關還槩。旗幟倚風飛電影，戈鋌○射月明霜鏢。且莫令榆柳塞門秋，悲搖落。

○古人恆以增竈減竈以示兵之多寡，用以爲虛實之計。○於菟，卽虎之切音。左傳：「楚人謂虎於菟。」○箭鋌，箭足入橐中者也。周禮：「冶氏爲殺矢，刃長寸，圍寸，鋌十之。」

方岳

字巨山，祁門人。理宗朝兩爲文學掌故，官中祕書，出守袁州。其秋崖先生小稿四卷，有四印齋本及涉園景宋金元明本詞續刊本。

喜遷鶯 和余義夫行邊聞捷

淮山秋曉，問西風幾度，雁雲蛩草。鐵色驄[⊖]驕，金花袍窄，未覺塞垣寒早。笳鼓聲中晴色，一羽不飛邊報。君莫道，怎乾坤許大，英雄能少？談笑鳴鏑處，生縛胡雛，烽火傳音耗。漠漠寒沙，荒荒殘照，正恐不勞深討。但喜歡迎馬首，猶是中原遺老。關何事，待歸來細話，一尊傾倒。

⊖驄，馬之青白色者。

陳經國

字伯大，宋潮州海陽縣人，寶祐四年進士。其龜峯詞，有四印齋刊本。

沁園春 丁酉歲感事

誰使神州，百年陸沈，青氈未還。悵晚星殘月，北州豪傑，西風斜日，東帝江山。劉表
○坐談，深源輕進，機會失之彈指間。傷心事，是年年冰合，在在風寒。說和說戰
多難算，未必江沱。○堪宴安。嘆封侯心在，鱸○鯨失水，平戎策就，虎豹當關。渠自
無謀，事猶可做，更別殘燈抽劍看。麒麟閣，豈中興人物，不畫儒冠？

○劉表東漢高平人，字景升，獻帝時爲荊州刺史。曹操與袁紹相持於官渡，紹求助於表，表許之而未往援。操既敗紹，乃自將征表，未至，表疽發背卒。○沱，江別流也。○鱸，一名鱸，長至一二丈，產江河及近海深水中。

沁園春 次韻林南金賦愁

撫劍悲歌，縱有杜康，可能解憂？爲修名不立，此身易老，古心自許，與世多尤。平子

○詩中庾生○賦裏滿目江山無限愁，關情處是聞雞半夜，擊楫中流。澹煙衰草連秋，聽鳴鳩聲聲相應酬。嘆霸才重耳，泥塗在楚；雄心元德，○歲月依劉。夢落尊邊，神遊菊外，已分他年專一邱。長安道且身如王粲，○時復登樓。

○後漢張衡字平子，有四愁詩。

○南朝庾信，有哀江南賦。

○指劉備，曾依劉表。

○三國王粲

有登樓賦。

沁園春

南金又賦無愁，予曰：「丈夫涉世，非心木石，安得無愁？時顧所愁何如爾。杜子美平生困躓不偶，而歎老羞卑之言少，愛君憂國之意多，可謂之得所愁矣。若於著衣喫飯，一一未能忘情，此爲不知命者，故用韻以反騷。」

我自無憂，何用攢眉，今憂古憂？嘆風寒楚蜀，百年受病；江分南北，千載歸尤。洛下銅駝，昭陵○石馬，物不自愁人替愁。興亡事向西風把劍，清淚雙流。邊頭依舊防秋，問諸將君恩耐未耐。悵書生浪說皇王帝霸，功名已屬韓岳張劉。○不許請

纓，猶堪草檄，誰肯種瓜歸故邱？江中蜃識平生許事，吐氣成樓。

○昭陵，唐太宗陵，在今陝西醴泉縣東北九嶼山。○指韓世忠、岳飛、張浚、劉錡。

沁園春

予弱冠之年，隨牒江東漕闖，嘗與友人暇日命酒層樓。不惟鍾阜石城之勝，班班在目，而平淮如席，亦橫陳樽俎閒。既而北歷淮山，自齊安泝江汎湖，薄遊巴陵，又得登岳陽樓，以盡荊州之偉觀。孫劉虎視，遺蹟依然，山川草木，差強人意。洎回京師日，詣豐樂樓以觀西湖，因誦友人「東南嫵媚，雌了男兒」之句，嘆息者久之。酒酣大書東壁，以寫胸中之勃鬱。時嘉熙庚子季秋下澣也。

記上層樓，與岳陽樓，醜酒賦詩。望長山遠水，荊州形勝，夕陽枯木，六代興衰。扶起仲謀，喚回玄德，笑殺景升豚犬兒。歸來也，對西湖嘆息，是夢耶非？諸君傅粉塗脂，問南北戰爭，都不知。恨孤山霜重，梅凋老葉，平堤雨急，柳泣殘絲。玉壘騰煙，珠淮飛浪，萬里腥風吹鼓鼙。○原夫輩○算事今如此，安用毛錐？

○鼙，騎鼓也，亦作鞞。○意謂原爲丈夫也，豈真「雌了男兒」耶？

文及翁

字時學，號本心，宋綿州人，徙居吳興，登進士第，歷官參知政事。景定間言公田事，有名朝野。宋亡，元世祖屢徵不起，閉戶著書，有文集二十卷。

賀新涼 遊西湖有感

一勺西湖水。渡江來，百年歌舞，百年酣醉。回首洛陽花石，盡烟渺黍離之地。更不復新亭墮淚。簇樂紅妝搖畫舫，問中流擊楫何人是？千古恨，幾時洗？
余生自負澄清志。更有誰礮溪未遇，^①傅巖未起？^②國事如今誰倚仗？衣帶一江而已。便都道江神堪恃。借問西山林處士，^③但掉頭笑指梅花蕊。天下事，可知矣。

①礮溪，一名璜河，在陝西寶雞縣東南，溪中有泉，即呂氏春秋所謂姜太公釣茲泉也。②傅巖，古地名，史記作傅險。今山西平陸縣東有聖人窟，殷時傅說版築處。③指林逋。

王 壘[⊖]

字子文，號潛齋，宋金華人，寶祐初拜端明殿學士，僉書樞密院事，封吳郡侯。

西河

天下事，問天怎忍如此！
陵圖誰把獻君王，結愁未已。
少豪氣，概總成塵，空餘白骨黃葦！
千古恨，吾老矣！
東游曾弔淮水，繡春臺上，一回登，一回搵淚。
醉歸撫劍倚西風，江濤猶壯人意。
只今袖手野色裏，望長淮猶二千里。
縱有雄心誰寄！
近新來又報烽煙起，絕域張騫歸來未？

⊖ 一作王賤。

李好古

里居不詳。有碎錦詞一卷，見四印齋刊宋元三十一家詞。

清平樂

瓜州渡口，恰恰城如斗，亂絮飛錢迎馬首，也學玉關○榆柳。面前直控金山，極知形勝東南。更願諸公著意，休教忘了中原。

○玉關卽玉門關，在今甘肅敦煌縣西一百五十里陽關之西北，古爲通西域要道。

劉克莊

字潛夫，號後村，宋莆田人，淳祐中賜同進士出身，官龍圖閣直學士，卒諡文定。有後村別調一卷，見宋六十名家詞；又名後村長短句，見彊邨叢書。

滿江紅 夜雨涼甚忽動從戎之興

金甲瑠戈，記當日、轅門初立。磨盾鼻、一揮千紙，龍蛇猶溼。○鐵馬曉嘶營壁冷，樓船夜渡風濤急。有誰憐、猿臂故將軍，○無功級？平戎策，從軍什。零落盡，慵收拾。把茶經香傳，時時溫習。生怕客談榆塞事，且教兒誦花間集。嘆臣之壯也不如人，今何及！

○張荃後村長短句考證：「按，後村嘉定十一年（年三十二歲）在李公珪幕府，往來維揚金陵間，草軍書檄筆，一時傳誦。事見行狀，詞蓋指此也。」○漢李廣臂長如猿善射，惟時乖運左，屢遭貶謫，事詳漢書本傳。

沁園春 寄九華葉賢良

一卷陰符，^①二石硬弓，百斤寶刀。更玉花驄噴，鳴鞭電抹，烏絲闌^②展，醉墨龍跳。牛角書生，^③虬鬚豪客，^④談笑皆從折簡招。依稀記，曾請纓係粵，草檄征遼。當年日視雲霄，誰信道淒涼今折腰。悵燕然未勒，^⑤南歸草草。長安不見，北望迢迢。老去胸中，有些磊塊，歌罷猶須著酒澆。休休也，但帽邊鬢減，鏡裏顏凋。

○指周書陰符，即太公陰符，或陰符兵法，歷代史志，皆入兵家，非指道家之黃帝陰符也。○卷冊之有墨線格子者曰烏絲闌。○唐書李密傳：「密聞包愷在綏山，往從之。以蒲羈乘牛，掛漢書一

帙角上，行且讀。楊素適見於道，躡其後，問所讀，曰：「項羽傳。」因與語，奇之。」○用唐人小說虬鬚客

傳事。○用班超事。

沁園春 送陳子華赴眞州

北望神州路，試平章這場公案，向誰分付。記得太行兵百萬，曾入宗爺駕御。今把作握蛇騎虎。君去東京豪傑喜，看投戈下拜眞吾父。談笑裏，定齊魯。○兩淮蕭索惟狐兔。問當年祖生去後，有人來否？多少新亭揮淚客，不夢中原塊土。這事業

須由人做。堪笑書生心膽怯，向車中閉置如新婦。空目送，塞鴻去。

○張荃後村長短句考證：「陳子華名韡，曾帥河北、山東、廣東、福建各路師，大破韃兵，名震天下，故詞有談笑裏定齊魯之句。見子華神道碑。」

憶秦娥

梅謝了，塞原解凍鴻歸早。鴻歸早，憑伊問訊，大梁遺老。
浙河西曲邊聲悄，淮河
北去炊烟少。炊烟少，宣和○宮殿，冷煙衰草。

○宋徽宗最後之年號。

姜夔

字堯章，宋鄱陽人，蕭東父識之于年少客游，妻以兄子，因寓居吳興之武康。與白石洞天爲鄰，自號白石道人。慶元中，曾上書乞正太常雅樂，不第而卒。有白石詩一卷，詞五卷等。詞集有汲古閣、四印齋、彊邨諸本。

揚州慢

淮左名都，竹西佳處，解鞍少駐初程。過春風十里，盡薺麥青青。自胡馬窺江去後，廢池喬木，猶厭言兵。漸黃昏清角，吹寒都在空城。杜郎俊賞，算而今重到須驚。縱豈惹詞工，青樓夢好，難賦深情。二十四橋仍在，波心蕩冷月無聲。念橋邊紅藥，年年知爲誰生？

○指杜牧。○杜牧詩：「十年一覺揚州夢，贏得青樓薄倖名。」○杜牧詩：「二十四橋明月夜，玉人何處教吹簫？」

戴復古

字式之，宋天台人，陸放翁門下士，有石屏詞一卷，見宋六十名家詞。

水調歌頭

輪奐半天上，勝概壓南樓。籌邊①獨坐，豈爲登覽快雙眸？浪說胸吞雲夢，②直把氣吞驕虜，西北望神州。百載好機會，人事恨悠悠。騎黃鶴，賦鸚鵡，漫風流！岳王祠畔，楊柳烟鎖古今愁。整頓乾坤手段，指授英雄方略，雅志若爲酬？盃酒不在手，雙鬢恐驚秋。

①籌邊樓，在今四川成都縣治西，唐李德裕建，四壁圖蠻夷險要，日與習邊事者籌畫其上，今圯。

②雲夢澤，在今湖北安陸縣南，本爲二澤，雲在江北，夢在江南，後始併稱。

李 演

字廣翁，號秋堂，有盟鷗集。

賀新涼

笛叫東風起，弄尊前楊花小扇，燕毛初紫。萬點淮峯孤角外，驚下斜陽似綺。又婉
婉①一番春意。歌舞相繆愁自猛，捲長波一洗人間世，空熱我，醉時耳。綠蕪冷
葉瓜州市。最憐予洞簫聲盡，闌干獨倚。落落東南牆一角，誰護山河萬里？問人在
玉關歸未老矣？青山燈火客，撫佳期漫洒新亭淚。歌哽咽，月如水。

①婉婉本作婦容解，此以喻春意。禮：「姆教婉婉聽從。」

文天祥

字宋瑞，號文山，宋吉水人。理宗時進士，官至江西安撫使。元兵入寇，天祥應詔勤王，受命使元軍，被執，遁入眞州。時瑞宗立於福州，拜天祥右相，封信國公。募兵轉戰，力圖恢復。兵敗被執不屈，逆就死。
柴市。有文文山全集。

大江東去 驛中言別友人

水天空闊，恨東風不借世間英物。蜀鳥吳花殘照裏，忍見荒城頽壁。銅雀春情，金人秋淚，此恨憑誰雪？堂堂劍氣，斗牛空認奇傑。那信江海餘生，南行萬里，屬扁舟齊發。正爲鷗盟，留醉眼，細看濤生雲滅。睨柱吞羸，回旗走懿，千古衝冠髮。伴人無寐，秦淮應是孤月。

○言隱居者與鷗爲侶伴也。

○用荆軻刺秦王事。

○用死諸葛走生仲達事。

陳德武

宋三山人有白雪遺音一卷，見彊邨叢書。

水龍吟 西湖懷古

東南第一名州，西湖自古多佳麗。臨堤臺榭，畫船樓閣，遊人歌吹。十里荷花，三秋桂子，四山晴翠。使百年南渡，一時豪傑，都忘却平生志。可惜天旋時異，藉何人雪當年耻？登臨形勝，感傷今古，發揮英氣。力士推山，天吳移水，作農桑地。借錢塘潮汐，爲君洗盡岳將軍淚。

○天吳，海神。山海經：「朝陽之谷，有神曰天吳，是爲水伯。其爲獸也，人面八首，八足八尾，皆青黃。」

望海潮 錢塘懷古

隴山西拱，浙江東逝，誰餘一箭臨衝？鳳舞龍飛，地靈人傑，當年樹此勳庸，強弩萬夫雄。令馮夷退舍，海若潛鋒。擁石城堤，百川約束，障西東。至今人物蕃豐，仰功揚山立，德潤川容。樂極西湖，愁多南渡，他都是夢魂空。感古恨無窮。歎表忠

無觀，古墓誰封？棹橫錢塘，濁醪和淚洒秋風。

① 馮夷，水神也。莊子：「馮夷得之，以游大川。」

② 海若，海神也，亦見莊子。

汪元量

字大有，號水雲，錢塘人。以善琴事謝后，王昭儀。宋亡，隨三宮留燕，後爲黃冠師南歸。有水雲集、胡山類稿等。其水雲詞有彊邨叢書本。

六州歌頭 江都

綠蕪城上懷古，恨依依。淮山碎，江波逝。昔人非，今人悲。惆悵隨天子，錦帆裏，環朱履，叢香綺。展旌旗，盪漣漪。擊鼓搥金，擁瓊璈。玉吹恣意遊嬉，斜日暉暉亂鶯啼。銷魂此際君臣醉，貔貅弊，事如飛。山河墜，煙塵起。風淒淒，雨霏霏。草木皆垂淚。家國棄，竟忘歸。笙歌地，歡娛地，盡荒哇。惟有當時皓月，依然挂楊柳青枝。聽隄邊漁叟一笛，醉中吹，興廢誰知？

○璈音敖，樂器。漢武帝內傳：「王母命侍女彈八琅之璈，雲和之曲。」

望江南 幽州 九日

官舍悄，坐到月西斜。永夜角聲悲自語，客心愁破正思家。南北各天涯。腸斷裂，

搔首一長嗟。綺席象牀寒玉枕，美人何處醉黃花？和淚撚琵琶。

○幽州，即指清之京兆。

鶯啼序 重過金陵

金陵故都最好，有朱樓迢遞。嗟倦客、又此憑高，檻外已少佳致。更落盡梨花，飛盡楊花，春也成憔悴。問青山、三國英雄，六朝奇偉。麥甸葵邱，荒臺敗壘，鹿豕銜枯薺。正潮打孤城，寂寞斜陽影裏。聽樓頭、哀笳怨角，未把酒、愁心先醉。漸夜深、月滿秦淮，煙籠寒水。悽悽慘慘，冷冷清清，燈火渡頭市。慨商女、不知興廢，隔江猶唱庭花。○餘音疊疊，○傷心千古，淚痕如洗。烏衣巷。○口青蕪路，認依稀，王謝。○舊鄰里。臨春結綺，○可憐紅粉成灰，蕭索白楊風起。因思疇昔，鐵索千尋，謾沈江底。揮羽扇，障西塵，便好角巾私第。○清談到底成何事？回首新亭風景，今如此！楚囚對泣，何時已！歎人間、今古真兒戲。東風歲歲還來，吹入鍾山，幾重蒼翠。

○杜牧詩：「商女不知亡國恨，隔江猶唱後庭花。」

○疊疊，音尾，進貌。左思賦：「清流疊疊。」

③ 烏衣巷，地名，晉時貴族如王謝諸家，多居此巷，在今江寧縣城內。④ 王謝，六朝世爲望族。劉禹
錫 烏衣巷：「朱雀橋邊野草花，烏衣巷口夕陽斜。舊時王謝堂前燕，飛入尋常百姓家。」⑤ 臨春、
結綺，二閣名，均隋煬帝及其妃嬪所居。⑥ 用諸葛亮周瑜火燒赤壁事。

汪夢斗

字以南，宋績溪人，咸淳初爲史館編校，以劾賈似道罷歸。元世祖召見燕京，不屈而回。其北遊集（附詞）卽作於此時。詞集有彊邨叢書本。

摸魚兒 過東平 有感

憶舊時東方古郡，東原儘是佳處。梁都破了，尋南渡幾徧，狐號鱧舞。君試覷，環一抹荒城，草色今如許！芳華舊地曾一上，飛雲歌臺酒館，落日亂鴉度。吟情苦，滴盡英雄老淚。淒酸非是兒女，西湖似我西湖否？只怕不如西子秋欲暮。要一看秋波，又自催歸計。休言浪語！待過江說與高車駟馬，今是朝天路。

○東平，今屬山東省。○鱧同鱣，音駝。呂氏春秋古樂：「顓頊令鱣先爲樂倡，鱣乃偃浸，以其尾鼓

其腹。」

太學生

德祐年間人，姓字失傳。

百字令

半堤烟雨，對芳辰消遣，無奈情緒。春色尙堪描畫在，萬紫千紅塵土。○鶻促歸期，
○鶯收佞舌，○燕作留人語。○遶闌紅藥，韶華留此孤主。○眞個恨殺東風。○
幾番過了，不似今番苦。樂事傷心磨滅盡，忽見飛書傳羽。○湖水湖煙，峯南峯北，
總是堪傷處。新塘楊柳，○小腰猶自歌舞。

○湖海新聞：「謂衆宮女。」以下各註均出湖海新聞。○「謂朝士。」○「謂臺官。」○

「謂太學生。」○「謂只陳宜中在。」○「東風謂賈似道。」○「飛書傳羽，北軍至也。」

○「新塘楊柳，謂賈妾。」按宋季三朝政要：「似道蠱聲色，寵妾葉氏，本淑妃，宮人也。潘氏倪氏，妓也。」

姚燧

字端甫，元柳城人。少從許衡游，以真知實踐爲事。爲文閱肆該博，有西漢風。累官至翰林學士承旨，卒諡文。有國統離合集、牧庵集等。其牧庵詞有彊村叢書本。

滿江紅 送李景山使交趾

六詔江山，十年厭，拏舟還轍。但只有，日南○遐域，未嘗持節。八月秋風來朔漠，燕然已沒鞍韉雪。料此時銅柱○瘴雲收，無炎熱。銜尺一，○行宜決，煩重爲雕題說。道皇元威德，萬方臣妾。直以越裳○聲教阻，千金裝甌○渠誰屑？要降王，明日共輶軒，○來金闕。

○日南，漢置日南郡，卽秦之象郡。其地卽今之安南順化等處。○銅柱，因馬援植兩銅柱於象林

南郡而得名，其地當在安南順化以南。○尺一，古帝王之詔版也，版長尺有一寸。今稱書函亦曰

尺一。○越裳，古國名，在安南南部。周公輔成王，越裳氏重譯獻白雉。○甌，音尤，匣也。○輶軒，

輕車也，天子之使臣乘之。風俗通序：「周秦常以歲八月，遣輶軒之使，求異代方言。」

舒 岷

字道原，元績溪人。博學洽聞，爲詩文不屬草，善隸書。再爲丹陽及台州路學官。入明，屢召不出，有貞素齋集、北莊遺稿等。其貞素齋詩餘有彊邨叢書本。

水調歌頭 時楊溪 ① 避兵

飽來石上臥，醉向水邊吟。山靈不管閒事，容我儘登臨。山外猿啼鶴唳，世上虎爭狼鬪，此地白雲深。今古一坯土，天地亦何心！隔茅廬，塵萬丈，不相侵。林泉自有佳處，石溜假鳴琴。漢室煌煌大業，唐代昭昭正緒，此地細推尋。高詠出山去，草木亦知音。

①楊溪舖，在安徽績溪縣東，路通寧國府。

孫承宗

字稚繩，明維城高陽人，官兵部尚書，力抗清兵，厥功殊偉。旋辭歸，家居七年。會清兵攻高陽，承宗率家人拒守，旋城陷，承宗投環死。年七十有六。福王時，追贈太師，諡文忠。

陽關引

無那○楊花鬧，又聽鶯聲咽。如簧細語，關情處漫饒舌。看蒼蒼煙外，早是征車轍。縱風流還似張緒，○不堪折。仗劍對尊酒，歌未闕。歎風塵起，新亭淚，中流楫。把眼前飛絮，學作鵝池雪。○待四方戡定，直北迎歸節。

○無那，卽無奈也。○張緒，南齊吳郡人，字思曼，清簡寡欲，風姿清雅。口不言利，官至國子祭酒。武

帝植蜀柳於靈和殿前，嘗曰：「此柳風流可愛，似張緒當年。」○用唐李愬雪夜攪鵝池亂兵馬

聲遂破蔡州事。

塞垣春

郵火平安不戰木葉，○征鞍卸。六花○紫燕，○八圖○赤撥，○揜臂調馬。報舳艫，

銜尾隨風瀉，更騰飽元戎。駕念雲飛，渾多猛趁燕市黃金價。幾訝登壇人且⑥天生，敲說儒雅。春雪滿前山，陡驚鴨池夜。又還將半壁明月，團團向樣新。貓弓⑦把靴揣封侯骨，慢來輕噴咤。

①木葉山在熱河赤峯縣北境，開魯縣之南，土河、潢河合流之處。②唐李靖本諸葛亮八陣法製

六花陣。大陣包小陣，大營包小營，隅落鈎連，曲折相對，見李衛公兵法。③紫燕，良馬名。④卽諸

葛亮之八陣圖。⑤猶之赤兔、赤電，馬名也。⑥且字原在靴字下，茲據萬樹詞律全書訂正。⑦

漢李陵以貓弓遺蘇武。貓似豕，角在鼻上，堪作弓。

水龍吟

平章三十年來，幾人合是真豪傑？甘泉①烽火，臨淮部曲，骨驚心拆。一老龍鍾，九扉魚鑰，②單車狐搢。③念河山百二，玉鐔④罷手，都付與中流楫。快得熊羆就列。更雙龍陸離光揭，一朝推轂，萬方快覩，百年殊絕。玄菟新陣，盧龍⑤舊塞，賀蘭⑥雄堞。看羣公撐住乾坤，大力了，心頭血。

①甘泉山在今陝西淳化縣西北，秦甘泉宮即在此山上。②芝田錄：「門鑰必以魚，取其不瞑目，

守夜之義。」③搢，掘也。國語：「狐狸之而狐搢之。」④鐔，劍柄下端也。⑤盧龍，明清皆爲永

平府治，今屬河北省。⑥賀蘭山，在甘肅寧夏縣城西。

塞翁吟

雲葉纔生雨，樓外鐵馬嘶風。報急水，小河東。飛一箭青驄。倚天劍破長風浪，小結畫影騰空。漫道是，長楊詞賦，細柳英雄。 悤悤，脫跳盪，驚帆轡滿，走躩躩，蟠花帶鬆。有滄海。堪憑洗恨，看今日，蹀血玄菟。①痛飲黃龍。②鴨江。③醅發，鹿臈。④萃開，誰是元功？

①在今河北省。②玄菟郡，漢武帝滅朝鮮所置，即今朝鮮咸鏡道及吉林南境。③黃龍，即今遼

寧開原以北及吉林全境、內蒙古東北境，皆其轄地。④即鴨綠江，遼寧與朝鮮天然之界水也。

⑤當爲鹿島之誤，在遼寧莊河縣東南海中。

木蘭花慢

鶴來華柱下，城郭是人民非。○看七萃○凌霜，六花噴雪。萬姓東歸，向來事且莫問，但旃裘匝地，澆征衣。遠戍胡笳正急，連天塞草初肥。菟胸中百萬雄師，小試大凌西。喜三箭天山，六羸虎落，百道龍旗。○正黃雲赤羽兩同飛。早是風馳千里，環攻月暈重圍。

○搜神後記：「丁令威學道於靈虛山，後化鶴歸遼，集華表柱云：有鳥有鳥，丁令威，去家千年今始歸。城郭如故，人民非，何不學仙塚纍纍。」○猶言七隊。○按，此下脫六字。

臨江仙

曾記錦川川北去，搖鞭驅策羆熊。氈城毳幕幾元戎。投籤牙角，聲振六花風。○
百二河山曾入夢，玉鐔還倚長空。覺來山月海門東。披襟向若，○萬里快雄風。○

○毳音脆，獸細毛也。○海若，海神名，見莊子。○見宋玉風賦。惟今人考證，謂此賦乃僞作。

盧象昇

字建斗，明常州宜興人，舉天啓二年進士，官御史。會清兵入寇，象昇統軍抗拒，師至蒿木橋，與清兵血戰。象昇身中四矢三刃，遂仆。一軍盡覆，三郡哀之。福王時，追諡忠烈。

漁家傲

搔首問天摩巨闕，平生有恨何時雪？天柱○孤危疑欲折，空有舌，悲來獨灑憂時血。畫角一聲天地裂，熊狐蠢動驚魂掣，絕影驕驄看並逐，真捷足，將軍應取燕然勒。

○神異經：「崑崙之山有銅柱焉，其高入天，所謂天柱也。圍三千里，周圓如削。」博物志：「共工氏觸不周之山，折天柱，絕地維。」

夏完淳

字存古，明華亭人。曾與陳子龍等敵血舉義，爲清軍所執，逮至金陵，長笑就刑，年僅十七。著有玉樊堂集。其夏內史詞有惜陰堂叢書本。

采桑子 ①

片風絲雨籠煙絮，玉點香球；玉點香球，盡日東風不滿樓。暗將亡國傷心事，訴與東流；訴與東流，萬里長江一帶愁。

①作者除此詞外，尚有獄中草，均慷慨激昂，惜爲詞餘，故未敢破例收入。

陳子龍

字臥子，明華亭人。崇禎時進士，以定亂功，擢兵科給事中。福王立於南京，仍加起用。以爲馬士英所忌，請假歸。南都陷，誓衆起兵。魯王立閩中，任以兵部尙書，事敗被執，繫於舟中。子龍乘守者不備，躍入水死。

唐多令 寒食

時聞先朝陵寢有不忍言者

碧草帶芳林，寒塘漲水深，五更風雨斷遙岑。○雨下飛花花上淚，吹不去，兩難禁。
雙縷繡盤金，平沙油壁侵，宮人斜外柳陰陰。回首西陵松柏路，腸斷也，結同心。

○岑，鋤淫切，山小而高也。○借用蘇小小事。

二郎神 清明感舊

韶光有幾，催遍鶯歌燕舞。醞釀一番春，穠李夭桃嬌妒，東君無主。多少紅顏天上

落總添了數坏黃土。最恨你年年芳草，不管江山如許。何處當年此日，柳隄花
墅。內家妝，牽帷生一笑，馳寶馬漢家陵墓。玉雁金魚誰借問？空令我傷今弔古。歎
繡嶺宮前，野老吞聲，漫天風雨。

（陳忠裕公詞）

○此首與唐多令寒食詞爲先生絕筆。

吳易

字日生，明吳江人，崇禎末進士。福王時，授兵部主事，監史可法軍。魯王監國，封長興伯，起義師抗清，兵敗被執，因而殉國。有吳日生集，爲國粹叢書之一。

滿江紅 除夕丹陽道中

地坼天摧，孤臣恨，渡江孤楫。堪此夜，吞聲相對，椒花柏葉。十七年間，宵與旰，三千
里外，陵和闕。想明朝，新歷舊江山，迴腸裂。赤眉剪，南陽業。黃巾盪，中山傑。○看
金陵王氣，漢家隆準，倚劍崑崙封豕。○骨洗兵星，海長鯨血。取大讐，函首告先皇，
雲臺烈。

○指漢末劉備、孔明事。 ○封豕，大豕也，喻貪暴也。

張煌言

字元箸，號蒼水，明鄞人，崇禎舉人。輔魯王起兵抗清，血戰經年。後助鄭成功，兵敗隱遁，陰圖恢復，卒被清吏囚執，不屈而死，墓在杭州。有張蒼水全集。

滿江紅

蕭瑟風雲，埋沒盡英雄本色。最髮指駝酥羊酪，故宮舊闕。青山未築祁連塚，滄海猶銜精衛石。又誰知鐵馬也郎當，瑯弓折！誰討賊？嚴卿。檄誰抗虜？蘇卿。節拚三臺墜紫，九京藏碧。燕語呢喃新舊雨，雁聲嘹唳興亡月。怕他年西臺慟哭人，淚成血。

①指漢霍去病墓象祁連冢事。作者意謂其功業不能如去病之驅胡虜出塞外也。史記索隱：「去病破昆邪於祁連山，故令爲冢象之，以旌功也。」
②即顏真卿，唐臨沂人，玄宗時爲平原太守，安祿山反，獨倡義傳檄討之。
③即蘇武。
④紫碧均指血。

吳綺

字園次，號聽翁，清江南江都人，曾奉詔譜楊椒山傳奇，又曾守湖州。罷官後居揚，以花木自娛。著有林蕙堂集。

滿江紅 岳墳次武穆原韻

南渡楊劉，^①到此日，功名銷歇。只今有，西陵華表，標題忠烈。三字冤沈，^②室土，兩宮淚灑龍城。^③月笑玉環，腦後是何人，^④情非切。一湖水，千峯雪。身縱死，名難滅。把椒漿澆奠，唾壺堪缺。道上金牌人有口，階前鐵象心無血。只荒祠，猶自對遺宮，神依闕。

①指抗金名將楊存中、劉錡。宋史俱有傳。②犴，音岸，獄也。鄉亭之繫曰岸。③龍城，今熱河朝陽

縣治。④意謂將徽欽二聖之還置於腦後也。詳見王國維優語錄。

陳維崧

字其年，號迦陵，清江南宜興人，以縣學生應博學鴻詞試授檢討，駢文及詞，冠絕一時。有湖海樓集。

明月逐人來 惠山山麓謁睢陽祠

壞廊徑仄，哀湍響激。松杉外，層層夜色。悲歌南入，箭著浮圖壁。○鐵像賀蘭○苔澁。斟得一杯，黛瀋幾甌茗汁。依稀見，雲旗下食。恰逢泓底，龍嘯潭風急。又認戍樓聞笛。○

○唐書張巡傳、「（南霽雲）抽矢回射佛寺浮圖，矢著輒曰：吾破賊還，必滅賀蘭，此矢所以志也。」○唐張巡爲令狐潮所圍，南霽雲請賀蘭進明發救兵，賀蘭不允，故睢陽廟爲之塑鐵像，一

若秦檜也。○張巡作有聞笛五律一首。

沁園春 經朱仙鎮

古鎮朱仙，躍馬經過，令人暗驚。看黃塵撲面，閭閻櫛比，清波極目，舟楫充盈。南控陳橋，西通尉氏，彷彿當年古汴京。停鞭問，怕沙衝地坼，浪嚙堤平。誰何繡拱雕

薨，有廟貌巍峨市口橫。是鄂王故事，丹青未老，趙家遺恨，金鐵爭鳴。三月錫簫，
一天社鼓，走賽仍多舊日僮。摳衣拜，欲題詩未許，淚滿長纓。

①錫簫，賣糖者所吹，編小竹管爲之，見詩有瞽箋及周禮小師注。

董以寧

字文友，清武進人，諸生，善詩文，於曆象樂律方輿之學，靡不究心。晚年悉棄去，專事窮經，弟子數百人。著有正誼堂集。

調笑令第二體 賦張巡妾①

記取，和君語。自讀睢陽聞笛句，縱餘黃土無歸處。莫灑雙雙紅筋。願日後攜儂巾幘，②二十四城傳去。

①唐張巡爲令狐潮所圍，戍樓聞笛，曾賦詩一首。因城中乏食，乃殺妾餉士。其妾死前作七古一首云：「軍中聞笛君寫詩，孤城忿恨妾已知。援兵不至妾終死，妾先就烹復何辭？妾身原委風和雨，妾命甘同雀與鼠。轅門賜遍剩丹心，與君自吞須記取。」②婦人首飾也。

董元愷

字舜民，清武進人，順治十七年舉人，懷才不遇，復遭誣誤，侘傺不自得，故激昂慷慨，悉寓於詞。著有蒼梧詞。

滿江紅 過金沙寺爲岳鄂王題壁處 敬和原韻

擐甲投戈過蕭寺，晨鐘甫歇。想當日，衝冠怒髮，滿懷忠烈。劍氣夜寒陽羨草，筆光陣掃金沙月。拂殘碑，遺恨對西湖，同悲切。淮北耻，終難雪；淮西議，終難滅。歎黃龍未飲，金甌還缺。潭水秋吟名士句，冰天淚灑英雄血。看陰陰松柏向南枝，朝雙闕。

○岳飛全集有廣德軍金沙寺壁題記，其地當在宜興左近。○擐，音關，貫也。左傳：「文公躬擐甲。」

滿江紅 拜岳鄂王墓敬和原韻

大樹蕭蕭對衰草，寒煙未歇。憑弔處，孤忠涅背，伊周爭烈。石馬晝嘶燕市雨，靈旗

影斷黃河月。念當時，南渡只偏安，空關切。三字獄，何時雪？十年力，誰人滅？爲東窗一語，山河殘缺。銀椀紅啼嬌女淚，玉環碧化萋萋血。○望冬青，盡處起西風，搖宮闕。

○萋萋，周靈王時人，能招致神異。時異方貢玉人石鏡，萋萋言於王，謂爲聖德所招，周人以萋萋幸媚而殺之，流血成石，或言成碧，不見其尸，見拾遺記。

滿江紅 拜于忠肅公墓

細雨斜煙一坏土，松楸○瀟灑。留萬古，青山碧血，孤忠司馬。隻手有權持國是，繞朝無力存宗社。豈南遷，纔與復神州，台山下。虎臥日，羣謀罷；龍飛日，羣奸射；置死生成敗，無如公者！事去北門弓鳥○恨，功高西市啼鶻夜。使英雄，垂淚共棲霞，皆天也。

○楸，落葉喬木，葉似桐。

○史記：「狡兔死，走狗烹；高鳥盡，良弓藏；敵國破，謀臣亡。」

曹貞吉

字升六，號實庵，安丘人，康熙三年進士，官禮部郎中，工詩詞。著有珂雪詞等。

百字令 詠史①

南山歸晚，遭相訶醉尉，灞亭秋暮。故李將軍猿臂在，射石猶能飲羽。虎鼠行藏，煙雲變態，若輩爭知否？霜寒草短，且尋田舍歸去。回首百戰功名，北平上郡，歷歷風沙苦。屈指封侯諸校尉，意氣寧堪儔伍！白髮宮娃，青衫羈客，老淚同今古。掀髯一笑，塵埃野馬④看取。

①此首詠漢李廣。詞中所用諸事，詳見漢書李廣傳。

②元稹行宮：「寥落故行宮，宮花寂寞紅。白

頭宮女在，閒坐說玄宗。」

③白居易琵琶行：「座中泣下誰最多？江州司馬青衫濕。」

④用莊

子語。

徐鉉

字電發，清吳江人，以國子生召試博學鴻詞，授檢討，會當外轉，遽乞歸。著有南州草堂集、詞苑叢談等。

摸魚兒 寒夜觀劇演韓蘄王夫人故事

舞氍毹，霜天夜冷，畫簾銀燭如晝。一聲河滿腸千折，只有青衫依舊。君見否？西陵畔，兩家錢趙惟衰柳。霓裳休奏。但紅粉英雄，也曾相助，搥鼓長江口。空侘傺，
驗取衣冠優孟，幾回燈下搔首。猩絨繡襖芙蓉頰，值得當年消受。揜短袖。人未老，功名莫漫同芻狗。天移星斗。灑珠淚羅巾，悲歌慷慨，拚與銷殘漏。

○侘傺，失志貌。楚辭：「惓鬱邑余侘傺兮。」

趙懷玉

字億孫，一字味辛，號映川，清江蘇武進人，官至登州兗州知府，丁父憂歸。工詩古文辭。與洪亮吉、黃景仁齊名。著有亦有生齋集。

滿江紅 岳鄂王墓次韻

十二金牌，風波起，雄圖竟歇。千載後我來憑弔，尙餘激烈。朔^①騎不嘶春隴草，杜鵑還叫南枝月。與諸君，痛飲擣黃龍，平生切。傷北伐，讎難雪；歸北寺，冤難滅。歎長城壞後，^②水殘山缺。三尺烏金魑魅像，一抔黃土英雄血。看宋家，遺骨記冬青，^③空陵闕。

①朔，北方也。

②檀道濟，南北朝宋高平人。參建武軍事，遷太尉。武帝文帝時屢立奇功，威名甚重。

朝廷疑畏，收誅之。道濟見收，脫幘投地曰：「乃壞汝萬里長城！」

③宋末義士唐珏、林景熙等收

宋陵遺骨，葬於蘭亭左近，植冬青以識別之。

沁園春 木蘭畫像

能替爺征，猶是紅顏，居然丈夫。記鴛機拋却，便驅駿馬；鐵衣著後，不夢羅襦。河水東流，黑山○北亘，想見當時親執杓。啾啾騎，比秋閨促織，聲竟何如？策勳底用，尙書有魯仲連風功不居。喜十年遠戍，望廬仍在；二親無恙，出郭相扶。鬢影釵前，眉痕鏡裏，省識春風向畫圖。區區願，把凌煙○別構，一例傳摩。

○黑山應在河北沙河縣北。木蘭辭所謂「暮至黑水頭」，則黑水在蒙古也。○唐太宗圖畫功臣於凌煙閣。

貂裘換酒 題瞿翰亭鶴歸來樂府

建業降幡豎。問誰將，桂林殘局，隻手撐拄。留守原知難獨守，成敗付之天數。好接踵，揚州閣部。况有睢陽○能共命，看從容，柴市同歸去。天亦感，降雷雨。汗青歷久丹心著，喜忠宣○易名異代，特邀褒許。精衛空留填海恨，且化鶴還故土。卻贏得，文孫述祖。○鐵板銅琶纔一唱，早滿堂，客淚青衫注。人與曲，並千古。

○喻張同儔，因與張巡同姓張也。○忠宣乃瞿式耜諡號。瞿式耜，明常熟人，字起田，萬歷進士，崇

禎十七年以右僉都御史巡撫廣西。桂王由榔立，以爲大學士。及桂王奔全州，式耜留守桂林，城破死。

③按鶴歸來傳奇爲瞿式耜之孫頡所作以述祖德者。

楊芳燦

字方叔，號蓉裳，清江蘇金匱人。官至員外郎，丁母憂歸，主衢杭及關中錦江諸書院，修四川通志。著有真率齋稿、芙蓉山館詩文稿。

百字令 過班定遠墓

蘭臺著作，讓阿兄。獨步甘心投筆。別有奇功垂史冊，伯仲居然雙絕。遠度龍荒，窮探虎穴，不負封侯骨。傭書碌碌，小儒何處生活！當日絕塞留屯，孤軍制勝，拓地通疏勒。萬里功名真唾手，依舊玉關生入。故國魂歸，高原塚在，三尺麒麟碣。我來憑弔，英風猶振林樾。

○指班固著前漢書。○疏勒，漢西城國名，今新疆喀什葛爾、英吉沙爾二城地。○樾，兩木交蔭也。

錢 枚

字枚叔，一字實庭，號謝盒，清浙江仁和人。嘉慶四年進士，官吏部文選司主事。工詞，以清麗稱，縱酒成疾卒，年僅四十三，有心齋草堂集。

金縷曲 題秦良玉 ①小象

明季西川禍。自秦中飛來天狗，②毒流兵火。石砭天生奇女子，賊膽聞風先墮。早料理，巫夔平安。爭奈軍門無將略，念家山，只怕荆襄破。妄男耳，妾之可。蠻中遺象誰傳播？想沙場，弓刀列隊，指麾高座。一領錦袍殷戰血，襯得雲鬟婀娜。更飛馬，桃花一朵。展卷英風生颯爽，問題名，愧煞寧南左。③軍國恨，尙眉鎖。

①秦良玉，明石砭宣撫使馬千乘妻，忠州人，饒膽智，善騎射，兼通詞翰，常爲男子裝。萬曆中，破賊鄧坎。天啓崇禎之交，屢有戰功。歷官總兵，拜都督僉事。②指李自成，陝西米脂人。③秦良玉與左

良玉同名，惟左叛福王：二人優劣不可以道里計。

宋翔鳳

字于庭，清江蘇長洲人，嘉慶五年舉人，官知州，精研經學，有浮溪精舍叢書。

滿江紅 木蘭從軍圖

女子知兵，想自古，引弓風俗。沙塵裏，蠻條重繫，繡鞞輕蹴。十二年增戎馬恨，千里借明駝。○足。細看來，忠孝失男兒，軍書促。黃河畔，曾遊牧。黑山下，前番宿。是隋家遺事，樂官新曲。人列啓民酋長內，地思大利堅城築。問而今，能取木蘭詩，從頭讀？

○酉陽雜俎：「明駝千里脚，謂駝臥腹不貼地，屈足漏明，故曰明駝。」

周之琦

字稚圭，號退庵，清河南祥符人，嘉慶十三年進士，官廣西巡撫。著有心日齋詞、十六家詞選等。

漢宮春 湯陰岳鄂王祠

已矣金牌，歎黃龍痛飲，此志終乖。誰令兩河盡棄，並棄江淮？機危禍慘，問蒼蒼，何意生才。空慟惜，風波獄底，英魂毅魄長埋。當日「精忠」賜字，幸小朝氣振，康構心開。長驅背危。勁旅敵旻應摧。權奸賣國，任中原，板蕩興哀。僥倖煞，強鄰酌酒，免教膽落飛來。

○岳飛有背嵬軍，乃精銳之軍隊。

馮登府

字柳東，號雲伯，又號勺園，清浙江嘉興人。嘉慶庚辰進士，以庶常改授江西將樂縣知縣，因親病去官。著有石經閣集。

滿江紅 崑山謁劉龍洲墓

斷碣山阿，歎故國，可憐天水。想魂銷紅拍，名驚青兕。蘆葉江寒風雨夜，金杯酒盡悲歌地。看狂來，氣岸轢辛陳，無餘子。二頃業，何須計。千金散，渾閒事。且彘肩羊腎，高歌而已。大布衣能謀一戰，小朝廷竟容奇士。臥清風，埋插近梅花，君何死！

○劉龍洲名過，見前所選詞。○青兕指辛棄疾，蓋義端僧謂辛之語也。劉過之詞曾爲辛所賞。

○指辛棄疾、陳亮。

滿江紅 題石砮夫人秦良玉像

百戰河山，有幾個，蛾眉燕額。撐半壁，夫人城。○在，風雲陣黑。白桿○金戈傳檄地，

明妝鐵騎朝天日。看丹青，先畫美人圖，弓鞋窄。青犢恨，雲陽厄。翠袖斷，綿州策。想豐容盛鬢，平臺顏色。玉帳夜談秦隴月，錦袍腥染狼河血。歎國殤，兒女盡英雄，紅蘭泣。

○東晉時苻堅寇梁州，刺史朱序之母韓氏帥侍婢及城中女丁築城於西北隅以拒之，襄陽人謂之夫人城。○明史秦良玉傳：「所部號白桿兵，爲遠近所憚。」○此言秦父繫獄。○此言綿

州守欲調秦，秦絕裾拒之。○此指平臺召見事。○明史：「身督精兵三千抵榆關。」

買陂塘 詠南宋宮人送汪水雲南歸事

望天山，雪花如席。黃冠。○早賜歸去。十年憔悴金臺客，回首滄桑塵土。行莫遽，且共醉穹廬，玉怨銜杯數。陽關調苦。想亡國新鶯，昭陽舊燕。○別句正愁賦。南朝事，白髮青娥能語。霓裳天上何處？琴心一曲梅花恨，換了哀笳秋杵。朝復暮。應夢到孤舟，夜月黃河渡。重來禾黍。歎水剩山殘，亂鴉啼遍，多少故宮樹。

○元世祖賜汪水雲爲黃冠師。○水雲臨行，故宮人王昭儀等十八人，釀酒城隅，分韻賦詩，哀音

哽亂，淚下如雨。

方履篋

字彥聞，清順天大興人，嘉慶二十三年舉人，道光六年署永定知縣，調署閩縣，卒於官，著有伊闕石刻錄、富蘊齋碑目、河內縣志、萬善花室集等。

琵琶仙 題秦良玉小像

千古蛾眉，建幢葆，○橫掃西南天壁。花馬輕蹴，征塵燕雲正如墨。飛度急，戎裝小像，問何事，贈人巾幗？○繡髻明鬟，金戈鐵騎，慷慨朝闕。只今日，初展生綃，見寒玉森森動人魄。腰下劍光如水，斬長鯨猶濕。落日照，桃花邊影，寫淡痕，似有鴟血。縱使圖入雲臺，○也應生色。

○幢葆，旌旗之屬。漢書：「建幢葆，植羽葆。」
○雲臺，漢宮中高台，圖二十八功臣。

買陂塘 詠南宋宮人送汪水雲南歸事

譜燕雲，落花秋苑，滄桑遺恨何許？銅駝萬里孤城別，淒咽趙家禾黍。迴首去，應唱徧，江南賀老傷心句。離歌正苦。想綠綺聲中，黃冠坐上，瑟瑟淚如雨。樽前怨，憑

記拋殘白紵。○湖山惆悵歸暮。幾番圓缺，天邊月，猶照故宮塵土。君記取。休再展，冬青麥飯前朝墓。蒼茫弔古。待過客重來，斜陽一片，幽鳥亂啼處。

○白紵，夏布之細而潔白者。

董祐誠

字方立，清江蘇陽湖人，嘉慶二十三年舉人，善爲古文，尤精曆算，盡通諸家法而自出新意，卒以此耗其精力，年僅三十三而卒。有董方立遺著。

買陂塘 詠南宋宮人送汪水雲南歸事

望天南，零山剩水，百年塵夢重醒。陽關疊徧銅駝恨，故國淚絲橫迸。燕塞冷。休更說江花，江草春潮信。瑤琴慢整。料萬里西風，黃冠老去，斷曲幾人省。湖上路，又是煙昏雨暝。天涯歸客淒哽。寶衣夜火冬青月，照徹景陽樓井。君記認。算只有他年，鶴市秋魂影。興亡耿耿。待青冢沙平，玉魚[○]出後，留取舊鸞鏡。

[○]玉魚，以之殉葬。杜甫詩：「昨日玉魚蒙葬地，早時金盃出人間。」

琵琶仙 題秦良玉小像

雲髻翹妝，錦袍映，馬上桃花珠勒。飛箬遙請，長纓關門羽書急。三萬里，黃圖[○]似歸，算留得，蜀江殘碧。雁塞蟲沙，鸞台[○]水火，輸與巾幗。問中閫，驕帥如棋，尙揮

塵綸巾當籌筆。中酒斫衣投地，與金甌同裂。念玉壘，家山已破，料珮環，不花鶻血。
祇有圖畫春風，舊時相識。

也。①黃圖，書名，記三輔宮殿陵廟等事，此以書喻實地。②鸞台，乃門下省之改稱，即帝王之傳達處也。

姚燮

字梅伯，號復莊，清鎮海人。道光舉人。詩詞駢體文均負盛名。工畫墨梅。晚寓鄞縣，與諸少年爲詩社，弟子凡數百人。著有大梅山館集、今樂考證等。

賀新涼 宋信國公文丞相鐵如意

是鐵還非鐵，是公心，是公愁。淚紫糾蒼結。葵柄尺三銀篆六。○姓氏日星高揭。相映耀，西臺苦節。天意指麾如臣意，恁河山，似甕悲南裂。歌正氣，唾壺缺。倒持梅未姦，狙擊敢憐渠。環嬌柳靚。○黃冠歸乞。一舸零丁軍散後，幾葬仙銅馬石。留此柄，錚錚難折。莫謾招魂唱「朱鳥」。○袒紅衣，夜舞臨安月。恐隱起，蜀鷓血。

○原註：『柄有銀絲嵌「聖瑞文天祥制」六篆字。』○原註：「環柳柳娘，文丞相二妾名。」或

云此實文之二女名。○謝翱等在西臺所歌，以招文信國之魂者。

王鵬運

字幼遐，號半塘，清廣西臨桂人。官至禮科掌印給事中。著有半塘定稿等。

滿江紅 敬書岳忠武王贈吳將軍寶刀行墨蹟後

雷雨空堂，驚展卷，龍蛇起陸。瞻拜處，凜然如見，劍光盈軸。瀨氣縱橫山欲撼，交情
鄭重杯相屬。想夜闌，盾墨灑淋漓，歌還哭。 喑鳴氣，悲涼曲。千萬徧，循環讀。歎王
刀可假，何堪重辱。悵望千秋人不見，相尋一轍車還覆。問誰歟，雪涕和哀歌？燕臺
筑。

○用高漸離事，詳見史記刺客列傳。

滿江紅 朱仙鎮謁岳鄂王祠 敬賦

風帽塵衫，重拜倒，朱仙祠下。尙彷彿，英靈接處，神遊如乍。往事低徊風雨疾，新愁
黯淡江河下。更何堪，雪涕讀題詩，殘碑打。 黃龍指，金牌亞。旌旆影，滄桑話。對蒼
煙落日，似聞叱咤。氣讐蛟鼉瀾欲挽，悲生笳鼓民猶社。撫長松，鬱律認南枝，寒濤

瀉。

⊖原註：「道光季年。河決開封，舉鎮惟岳祠無恙。壬午扶護南歸，曾夢遊祠下。」

况周頤

字夔笙，號蕙風，清廣西臨桂人，官至內閣中書。著有蕙風詞話、香海棠詞話、餐櫻廡詞話、蕙風詞等。

水調歌頭 明瞿忠宣公印文曰起田氏 ①

人世自桑海，金石詎消磨。孤山忠武王印，歷劫水雲窩。難得後先輝映，唱徹鶴歸來後。②遺製見文何！可惜昆吾鐵，斫不到蛟鼉。擊賊笏，③遼東帽，④等摩挲。堯堯身外物耳，聲價重山河。我是湘南擎叟，懷想靈旗風雨，渺渺洞庭波。甚日數椽隱，乞與壯煙蘿。

①原註：『石質青帶微黃，有赭紺二色理，高一寸七分，方徑七分，頂一角微缺。朱文「起田右氏」左邊款「稼軒太史之命，震孟。」』 ②鶴歸來傳奇，乃瞿頤作，即詠瞿忠宣公事。 ③唐段秀實聞朱泚欲反，以笏擊之。泚舉臂捍笏，中額，流血污面，匍匐走。秀實遂遇害。 ④漢末，管寧避亂居遼東，著皂帽以自韜晦，魏文帝明帝徵之，均不就。

梁啓超

字任公，廣東新會人，康南海弟子。戊戌政變，亦豫其事；孝欽聽政，出亡海外。文章有奇氣，於學無不窺，臨終猶手辛詞不輟云。有飲冰室全集。

水調歌頭

拍碎雙玉斗，慷慨一何多？滿腔都是血淚，無處著悲歌！三百年來民氣，滿目山河依舊，人事竟如何？百年尙牛酒，四塞已干戈。千金劍，萬言策，兩蹉跎。醉中呵壁自語，醒後一滂沱。不恨年華去也，只恐少年心事，強半爲銷磨。願替衆生病，稽首禮維摩。

○維摩詰，菩薩名，義爲「淨名」；淨者，清淨無垢之謂；名者，名聲遠布之謂。

秋瑾

字璿卿，號競雄，別號鑑湖女俠，清浙江山陰人。適湘鄉王庭鈞。美豐儀，善詩文。在日本入同盟會，深爲總理器重。返國組光復軍，自任統帥。因徐錫麟案，爲紹興知府貴福所捕殺。有秋瑾女俠遺集。

滿江紅 感懷

骯髒塵寰，問幾個男兒英哲？算只有蛾眉隊裏，時聞傑出。良玉勳名襟上淚，雲英事業心頭血。醉摩挲，長劍作龍吟，聲悲咽。自由香，常思熱。家國恨，何時雪？勸吾儕今日，各宜努力！振拔須思安種類，繁華莫但誇衣袂。算弓鞋三寸太無爲，宜改革！

○秋瑾除此詞外，另一滿江紅云：「身不得，男兒列；心卻比男兒烈。」又如此江山云：「猛回頭祖國酣睡如故。外患侵陵，內容腐敗，沒個英雄作主。天乎太瞽！看如此江山，忍歸胡虜？豆割瓜分，都爲吾故土。」均極警關。

蔣同超

字萬里，清末江蘇無錫人。

如此江山

江山如此無人管，神州陸沈重見。祖脈崑崙，長流揚子，延得文明一線。天涯目斷，看地盡堯封，疆分禹甸，一髮中原。黃權漢落，手誰援？古今豪傑何限，那二十四朝，底事龍戰？莽莽歐風，沉沉墨雨，何似蓬萊清淺。茫茫震旦，慨前代滄桑，幾經天演。民族潮流，一聲聲拍岸。

○漢落，空廓無用之謂。莊子：「魏王貽我大瓠之種，我樹之而實五石，以盛水漿，其堅不能自舉也；剖之以爲瓢，則瓠落無所容。非不鳴然大也，吾爲其無用而培之。」瓠落，後人多作漢落。

龐樹柏

江蘇常熟人，字芑庵，號槩子，別號龍禪，與兄樹松均南社鉅子，詩文並茂。有龐槩子集。

滿江紅 靈巖謁韓蘄王墓並讀記功碑敬賦

南渡江山，空留此一抔殘土。尙彷彿將軍旌旆，美人桴鼓。江上風雲鷗夢冷，湖邊煙月鶻聲苦。只傷心遺憾最難消，騎驢去。滄桑淚，揮無緒。興亡蹟，尋無據。算千秋歌哭，英靈知否？螭○背豐碑餘幾字，銷磨那更風兼雨。望棲霞一樣舊斜陽，埋冤處。

○螭，若龍而黃，無角。

王鍾琪

字毓仁，號无生，又號天僂生，安徽歙縣人，歷年執筆於上海民呼、民吁、民立、神州等報，宣傳革命，有功黨國，民國二年卒。有无生詩鈔、无生詞。

滿江紅 藤花血傳奇 題詞

如此江山，問世事從何說起。看門外銅駝無恙，夕陽如矢。慘霧橫空燐火碧，西風撲地芙蓉紫。○猛回頭換了小朝廷，心如死。家國恨，空羞耻；身尚在，差堪喜。似鬼神來告，吾仇至矣。把劍傷心聊一哭，投杯壯志仍千里。看等閑譚笑起風雲，空餘子。

○藤花血傳奇，阿英家藏晚清戲曲錄未著錄，惟另載有瞿園之藤花秋夢雜劇。○按，此似喻秋瑾之死。

李凡

原名哀，字哀公，一字叔同，號息霜，別號黃昏老人。後爲僧，法號弘一。天津人。駐錫西湖。詩詞書畫，名重海內。

滿江紅

皎皎崑崙，山頂月有人長嘯。看囊底寶刀如雪，恩仇多少。雙手裂開鼯鼠胆，寸金鑄出民權腦。算此生不負是男兒，頭顱好。荆軻墓，咸陽道。聶政死，尸骸暴。儘大江東去，餘情還繞。魂魄化成精衛鳥，血花濺作紅心草。看從今一擔好山河，英雄造。

①此爲蘇軾念奴嬌詞首句。

徐自華

字寄塵，號懺慧，浙江崇德人，與其妹蘊華，俱能詩，熱心革命，先烈秋瑾嘗引爲知己。有懺慧詞。

滿江紅 感懷

歲月如流，秋又去，壯心未歇。難收拾，這般危局，風潮猛烈。把酒痛談身後事，舉杯試問當頭月。奈吳儂身世太悲涼，傷心切。亡國恨，終當洩；奴隸性，行看滅。嘆江山已是金甌碎缺。蒿目蒼生，揮熱淚，感懷時事，歎心血。願吾儕煉石效媧皇，補天闕。

① 女媧鍊五色石補天，事見史記及淮南子。

陳世宜

字匪石，江蘇江寧人。

賀新涼 弔史閣部墓

廿四橋①邊路，黯魂銷，疏煙淡月，嶺梅②千樹。漢代衣冠今在否？付與寒蛩自語，更幾輩蕪城能賦。③一水彎環山下過，共江潮嗚咽聲如訴。禾黍恨，一坏土。殘旗舊日臨江滸，痛南都松楸不老，河山非故。石上遺書琳琅字，萬古雲霄一羽，問華屋生存何處。燕子春燈④歌舞歇，廢園亭門掩風和雨。爭似此，百靈護。

①廿四橋指揚州，本杜牧詩。

②史可法衣冠墓在梅花嶺，全祖望有記。

③鮑照有蕪城賦。

④

燕子箋、春燈謎均阮大鍼所作之傳奇。

楊 銓

字杏佛，江蘇清江人，民廿二遭暗殺。著有楊杏佛演講集、杏佛文存等。

賀新涼 題亞子 分湖舊隱圖

一勺分湖水，問年年扁舟選勝，俊遊能幾？亂世不容劉琨隱，滿眼湖山殺氣。更誰辨漁樵滋味。莫便聲聲亡國恨，運金戈返日男兒事。風與月，日丟起。 征塵黯黯中原裏，四千年文明古國，興亡如此。燕子東飛江潮啞，兒女新亭墮淚，何處是扶危奇士？不畏侏儒能席捲，怕匹夫不解為奴耻。肩此責，吾與子。

○亞子，柳姓，編有曼殊全集等。

賀新涼 弔季彭自溺

九地黃流注，叩蒼穹沉沉萬象，當關豺虎。嘔盡心肝無人解，惟有湘靈堪語，忍獨醒呻吟終古。眼見英雄成白骨，好頭顱未易蒼生苦。心化血，血成雨。 一泓濁井埋身處，賦招魂。胥潮嗚咽，蜀鵲淒楚。河漢精靈歸華嶽，誰向清流弔取？但冉

冉斜陽西去。試向中原男子問，有幾人不欲臣強虜？生愧死，死無所。

○宋玉作招魂。

○伍子胥死，精靈掀動怒濤。

葉玉森

字中冷，江蘇丹徒人。

鷓鴣天 用鷺鳥韻

高枕龍淵儘醉眠，夢聞漢武勅開邊。蠻夷大長鬚如蝟，都護將軍臂似猿。

踰瀚

海，①出祁連，②幕南都屬漢山川。會當痛飲蒲桃酒，更促闕氏替拂絃。

①翰海，沙漠也，又稱戈壁，唐時置翰海都督府。

②祁連，即天山，在今甘肅張掖縣西南。

上海圖書館藏書



A541 212 0007 4606B

中華民國二十九年七月初版
中華民國三十年三月再版

(37003)

☆學生國語叢書 民族詞選註 一冊

每冊實價國幣伍角

外埠酌加運費匯費



選註者 趙景深

主編人兼 王長沙 雲南正路 五

印刷所 商務印書館

發行所 商務印書館

(本書校對者陳嘯仙)

